

光緒辛巳年重修

孫溝縣志

敘



邑之有志猶國之有史也義例存  
於春秋體裁法乎班馬政事表  
人文覘風俗揚宣蹟彰節義識  
物產登剡維慎非徒備掌故以  
資考授蓋勸修今傳後使讀之者

借鑒而興起耳教化之原實基  
於此志之所闡豈淺鮮哉第丁丑  
曾沅甫中丞接晉時值火祲公於救  
旱賑荒請鉅貳次第舉行越兩  
載浹化蒸、年季人和乃議脩山  
西通志而先飭補輯州縣志以備

採擇徐之邑志續備於康熙五十一  
年以後踵事增人乾隆中葉又  
載清源縣而併屬於清源舊  
志有老澗署字多勳祥初宰昔邑  
在任未久未暇及此己卯秋復在是  
地適奉檄催乃集紳耆定議

採訪分纂坐以績學士任之而勳祥  
為酌今之去取加以潤色修飾閱以月  
書成舊志之宜刪者刪應存者存  
譌者正之遺者補之凡所取孝友節  
義勇搜博訪必懿跡芳踪且為  
程範俾傳之披斯編者仰彼前

徽徽然里奮瑞風俗而正人心是司  
牧者所厚望也夫嘗

光緒七年歲次辛巳仲春

知縣清縣李長山王勳祥撰書

續修徐溝縣志序

邑人 李訓昭

邑之有志所以維風化重名節表吏治存文獻也徐之邑志明萬歷年間隴西楊公國楨勦之劍南王公敷學復修國朝康熙五十一年會稽王公嘉謨再爲續補愈覺詳備迄今又百餘年矣疆域如故城闕依然惟田賦職官之更易科第仕宦之蔚興人物風俗之推遷忠孝節義之流傳關一邑政治者歷時愈久湮沒愈甚輶軒不採後人何由考鏡哉己卯秋邑侯長山王公再任斯邑下車之始卽以興革利弊轉移風化爲己任會省垣大憲有修通志之舉分

補修徐溝縣志

卷一 序

一

飭州縣補修邑志以備採擇侯乃商諸士紳籌費設局凡舊志之舛誤者正之遺漏者增之可刪者刪應續者續詳政事則田賦禮儀悉從時制考民風則義士節婦不遺微賤勵官守敦正教使讀是編者知甲第科名之足重高風亮節之可欽志之爲用大矣哉訓昭學疎才短謏陋無文邑侯不棄命襄其事不敢固辭爰糾同邑績學之士戴鴻恩等朝夕討論精心編纂於庚辰春開局閱八月竣事聊述顛末爲邑人志幸焉皆光緒六年歲次庚辰孟冬上

訓昭 謹叙

重修舊志序

王嘉謨

國有史邑有志所以詳典故考實錄也其來舊矣子獨以志更詳於史史紀其大綱而已凡五方風氣純雜萬民好惡殊趨與夫閨門閭巷之間奇節隱行採風者偶不及則不能筆之於史而志獨傳之是志之所存者史之所遺也然予又以志之修也更難於史史出於朝廷有記注有掌故有纂局有分官聚海內英賢互相考訂筆則筆削則削而一代之史以成若夫方隅小邑才識之士百不得一蚩蚩者雖耳聞目

補修徐溝縣志

卷一 序

一

見而非其所好即遇有心者探奇記異而上之人不能博採廣詢以彙爲卷帙不數年間人往風微其湮沒而無傳者何可勝道此余閱徐溝縣志而不能不有憾於前人也縣於宋紹興三十二年設自金人至明萬曆三十五年隴西楊君守此土始立志四十年劍州王君繼之復重編焉嗟乎自紹興至萬曆四百餘年矣其間疆域豈無變遷建置豈無因革戶口徵徭豈無損益學校祠宇豈無興廢秩官之賢否人物之秀頑藝文之顯晦不知凡幾而皆使之消亡於四

續修徐溝縣志序

邑人 王啟恩

徐邑附近會垣土俗敦龐人知務本自立縣迄本 朝始有邑志舊乘創於明萬曆年凡夫仕宦科第循臣義士孝子節婦蒐輯亦詳備矣百餘年來 聖教涵濡士習民風崇尚禮義以故出仕者著循聲家居者安耕讀而節義之士貞孝之行乾隆以後接踵興起不亟爲表揚微特一邦文獻湮沒不傳且無以維風化而昭來許所關非淺鮮也歲丁丑一撫軍曾公檄行通省重修志乘 王邑侯再蒞是區乃旁搜博訪採擇靡遺選邑中文學士共襄盛舉閱

補修徐溝縣志

卷一 序

一

八月而告成舊志之缺者補之訛者正之凡所登載皆昭昭在人耳目端風俗正民心使後之讀是編者考前徽而溯懿行爭相砥礪以期無忝先民焉 邑侯修纂之功并垂不朽矣余不敏奉襄是役樂觀厥成快慰之餘謹弁數語如右時

光緒八年六月中浣

誥授朝議大夫戶部廣東司行走員外郎候選知府邑人王啟恩撰

百年中者是誰之過歟向非楊王二公勿論事跡無  
可考並不知是邑之創於何代也亦可怪已雖然自  
二公以至於今不又已百餘年耶若仍安固陋不爲  
修明而表章之不又使百餘年來之可傳者而竟不  
傳耶予與邑之士大夫慨然念之皆曰是不可待於  
秋七月立局延邑之博學而能文者操其筆疑者刪  
之信者增之務核其實毋亂其真凡例條目仍遵舊  
本閱一月而編成舊志九十版新增二百六十版共  
記四卷爲捐俸而付之梨棗因告於二三君子曰予

豈嗜古而好名者耶其所以重修是志不敢一日緩  
者庶幾顯微闡幽俾他日採風者過而訪焉得有所  
徵信聊補史官之所不逮且以上繼二公之志不致  
後之人有憾於予並有憾於二三君子也則幸矣至  
於地狹民貧衝煩凋瘵之狀不堪繪圖者閱志者自  
得之予不復道也



重修舊志序

邑人 閻開泰

夫邑之志卽古之列國史所以昭往蹟示來世垂法戒寓勸懲典甚重也徐邑舊志草創於萬曆三十五年隴西楊公繼成於萬曆四十年劍閣王公迄今蓋百餘年矣其間疆域之變遷建置之沿革賦役之增減學校之興廢官師之賢否與夫人物之優劣風俗之淳澆藝文之奇特皆未補入百餘年來望修甚急己丑夏邑侯王公以會稽世家來令是邑下車之始卽以修志爲己任奈地甚衝煩未遑從事越三年政

補修徐溝縣志

卷一 序

三

通人和百廢具舉簿書之暇復喟然歎曰舊志殘缺極矣前人不修以至於此使今日復俟後人敝將安極遂於壬辰七月之七日延邑之老成能文者館於關帝廟內採訪彙集閱一月而志告成凡四卷分類析目闡幽摻遠述古摭新紀事纂言能核其實而會其精眞一邑之信史也將付剞劂次子士進攜稿來汾備述王公修志始末復欲余言附諸簡余以爲徐邑古晉地也晉之乘與魯之春秋相埒夫春秋之作一字之褒榮於華袞一字之貶嚴於斧鉞斯志也亦春

秋之遺意也後之蒞斯地生斯土者誠能借鑑斯志  
仰止循良之芳躅景行賢哲之令儀於諸先達若羹  
牆見之旦暮遇之砥礪澡濯名垂永久庶不負王公  
重修之意否則徒侈談往哲遜美前徽褒不足勸貶  
不足懲甯不負王公今日之舉乎公名嘉謨字慎齋  
其仁心善政自載之口碑茲特以修志序也故不贅

勅修縣志原序

楊國楨

徐溝縣爲藩南首邑省會要衝其疆境方域僅稱蕞爾而忠孝節義不無概見倘無誌以載故實無論吏茲土者布令正衆之無稽卽士大夫之憑軾而過者弔古問俗亦無徵焉萬曆丁未秋予承乏叨令是邑不無民風之思甫抵任索志一覽諸士咸曰徐溝初爲徐川鎮金始設縣志從來無矣竊思國無其志文獻奚考勸懲何據是亦守土者之責也予有志纂修尚未之逮適丁未春臺憲檄各屬守令分纂以備一方之實錄予於心甚有愜焉遂承命謀及

補修徐溝縣志

卷一 序

五

學博諸儒相與考訂追輯往昔探索遺亡彙而次之書成諸學博謂予宜有言弁諸首予始喟然曰志者識也邑中輿地以及藝文皆識之矣獨有感於今日之地狹民貧衝煩健訟上下陵替蔑視三尺予甚戚焉猶幸樸野愚直一念尚未泯於人心其視務華絕根斲喪無餘者遠甚司牧者若善導之可以爲文爲武爲節者崛起不善導之毋怪乎爲野爲悍爲競者比比然也以故黽勉拮据彰善癉惡作民表而示民趨俾一方風氣釐然丕變期無愧於師帥之責者其在今日哉大抵疆宇狹則物產寡貧窶甚則生

理微亦理勢之必然者所待採風問俗之君子見之而稍  
加憐恤未必不藉斯志矣故不辭淺陋而特爲序云萬曆  
三十五年春月

補修徐溝縣志

卷一  
序

六

補修徐溝縣志

知徐溝縣事長山王勳祥編輯

目錄

勅修縣志原序

續修縣志原序

重修舊志序

勅修續修姓名

凡例

縣境圖

補修徐溝縣志

卷一 目錄

城池圖

公署圖

學宮圖

書院圖

文昌閣圖

三河環繞圖

卷一

建置

疆域

城池

道路

里甲

村堡

市集附

河渠

橋梁

公署

學校

書院

補修徐溝縣志

卷一 目錄

二

祠廟

寺觀附

典禮

坊表

卷二

田賦

鹽課

錢法

驛站

兵防

墩舖附

戶口

倉儲

職官

名宦

卷三

選舉一

甲科

選舉二

鄉科

選舉三

五貢

選舉四

武科

補修徐清縣志

卷一 目錄

三

選舉五

孝廉方正

選舉六

例仕附胥史

卷四

封贈

鄉賢

人物一

忠烈

人物二

孝弟

人物三

好義

人物四

文學

節孝

卷五

風俗

物產

祥異

雜記

郵政仙釋附

卷六

藝文

補修徐溝縣志

卷一 目錄

四



徐溝縣志原修姓氏

明萬曆三十五年

徐溝縣知縣

楊國楨

隴西

監修

歲貢生

蘇朝賀

邑人

歲貢生

姚繡

邑人

歲貢生

杜志選

邑人

生員

要路

邑人

續修

萬曆四十年

徐溝縣知縣

王敷學

劍閣

補修徐溝縣志

卷一 姓氏

一

監修

歲貢生

王士

邑人

歲貢生

劉日示

邑人

續修徐溝縣志姓氏

康熙五十一年

鑒定

太原府知府

趙鳳詔

武進 懷宜

纂修

徐溝縣知縣

王嘉謨

慎齋 會稽

參考

徐溝縣教諭

郝圻

西河

徐溝縣訓導

姬正曦

高平

訂閱

補修徐溝縣志

卷一 姓氏

二

徐溝縣典史

張貞吉

宛平

同戈驛驛丞

王垣

會稽

較編

原任直隸河間府鹽山縣知縣

閻鴻泰

邑人

歲貢生

劉宏輔

邑人

採訪

生員

郭維城

邑人

廩膳生

閻來泰

邑人

廩膳生

王敬

邑人

分輯

廩膳生

蘇文集

邑人

廩膳生

閻士進

邑人

寫圖山人

張福昌

邑人

督刻禮房

郜毓珍

晉陽

工房

韓國珍

補修徐溝縣志

卷一 姓氏

三

補修徐溝縣志姓氏

鑒訂

三品銜知太原府事進士

左 雋

總纂

同知銜知徐溝縣事附貢生

王勳祥

協修

徐溝縣儒學教諭舉人

張 鈞

道銜候選知府舉人

王啟恩

分纂

補修徐溝縣志

卷一 姓氏

四

候選教諭孝廉方正

秦 憲

經理

兵部員外郎

劉有蘭

候選遊擊孝廉方正

張耀廷

採訪

禮部主事進士

韓大鏞

四品銜候選教諭附生

劉 寬

候選訓導廩貢生

蘇始大

議叙通判廩貢生

李世楷

候選訓導歲貢生

郭金榜

附貢生

張煥南

廩生

郭家麟

歲貢生

陳碩士

恩貢生

孫佩蘭

恩貢生

史在文

邑庠生

龐玉光

增生

劉定遠

附貢生

杜作舟

補修徐溝縣志

卷一

姓氏

五

邑庠生

張清瀾

較對

前署平遙河曲訓導儘先教諭拔貢生

李訓昭

候選訓導歲貢生

戴鴻恩

校刊

徐溝縣典史

楊雲龍

補修徐溝縣志

凡例

一舊志四卷今續爲六卷凡舊志之舛誤者正之庸陋者刪之缺畧者補之諸所登載事必核實信今乃可傳後耳

一星象分野修志者必登諸篇首備占察也舊志載參爲晉星太原入東井二十九度第觀井次之入陝其麗參者較多徐距太原八十里在參井之交然以一度百里計之似未出東井分野惟彈丸之

補修徐溝縣志

卷一 凡例

一

地疆域無多必測量分配強以求合附會差謬恐爲保章氏所笑也故闕而不錄

一舊志初於明萬曆三十五年隴西楊公繼修於四十年劍南王公至康熙五十一年會稽王公重修迄今又百有餘年其間職官科第仕宦雖再三蒐訪而年久名湮不無遺漏之憾尚望士君子隨時補正以匡不逮

一志之有景肇於西湖彼固寰中名勝也夫謂之景者必山川環繞花木秀蔚騷人韻士流連吟賞四

時佳興千古同欣方爲大觀徐邑境內無山雖有  
金水嶠峪洞渦三河而夏秋泛漲爲患冬春乾涸  
莫能爲景也舊志以泮宮尊經閣強列八景實形  
其陋且泮宮經閣何邑蔑有獨爲徐之景乎况禮  
教之地烏得任人遊眺今刪去八景而仍存舊志  
詩詞見前人之能吟咏也若郵亭古寺芳草平林  
隨在皆景會心人取之不盡何必以八爲限

一舊志所繪各圖頗形粗畧今悉改繪俾閱者一目  
了然其樂器各圖亦屬贅設實無其物且不免挂

漏之誚故均刪之

一賦稅解支丁戶增減今昔各殊悉本現在奏銷冊  
登載政貴因時也

一金水嶠峪洞渦三河遷徙靡常舊志所載渠道大  
半堙廢今尋源溯流凡水道所經渠之分合考查  
明確專列河渠一門農田水利民食攸關往往因  
爭水滋訟故就目前形勢詳慎登載而仍存舊志  
以備叅攷焉

一婦女守節最爲難事而貧賤之家尤可矜憫其境

愈艱其心愈摯 旌表之典豈易得哉凡貧困而守節者悉以苦節括其事蹟

一志乘所以傳後與世共之非一人一家之私也無論名公鉅卿皆直書其名以昭體裁

一丁丑戊寅連歲大旱實數百年未有之奇劫人民餓斃者不可勝數 朝廷軫念發帑截漕銀米並賑大小官吏痼瘵在抱悉心籌畫不遺餘力所謂生死而肉骨也救荒示論及助賑姓名悉著於志使後世知居安思危焉

一志乘門類太繁便非體例今之補修因舊志而增刪焉首建置原始也而畫疆域修城池表道路別村堡分里甲濬河渠建橋梁皆建置中事公署爲出政臨民之所而學校書院祠廟典禮坊表均政化所先也政之大者田賦戶口倉儲次鹽法錢法驛站兵防墩鋪皆政也行政之人則職官又於中取名宦焉職官內有數十年名姓無考者闕之非善政不聞民無得而稱也民庶矣選舉行焉首甲科次鄉舉次五貢次武科次孝廉方正繼以仕



登進之廣也附胥史一冊仍舊志以存其名今則無矣殿以封贈仕路之榮也科第仕宦中不必肅表表英流特標人物以鄉賢冠首而忠烈孝弟好義文學分登之勸後人也天地純正之氣男子鍾之爲人物女子鍾之爲節孝廣收博采不遺微賤矜其心重其守也於是考風俗稽物產一邑之事備矣祥異爲人事之驗更宜察焉餘悉隸之雜記又賑恤之事志不專載然丁丑戊寅旣爲奇災而朝廷曠典官吏勤施千古稀有登之雜記示非常也

舊志有流寓隱逸無其人懸格以待豈志體哉刪之留仙釋於雜志神道設教古今不廢也終以藝文首錄 宸翰經世大文四民宜時循省也無關邑事者不濫收修志之例也前後次敘如此



補修徐溝縣志

卷一 圖考

# 縣域番






補修徐溝縣志

卷一 圖考

三







補修徐清縣志

卷一 圖考

四






金河書院圖

補修徐溝縣志

卷一 圖考

五






文昌閣圖

補修徐清縣志

卷一 圖考

六





三河環繞

補修徐溝縣志

卷一 圖考

七







補修徐溝縣志

卷一 圖考

八

建置

先王建邦啟土各子其民法至善也秦易封建而郡縣代有異名徐爲古徐川鎮附梗陽自宋紹興三十二年金大定中始立縣地雖褊小城池官廨社稷壇壝靡不具備第土瘠民貧途當衝要蒞斯土者宜加意撫綏焉

徐溝在唐屬冀州爲帝堯舊都虞舜肇十有二州則屬并州夏商周仍屬并三晉時屬趙秦漢屬太原郡歷代因之至宋高宗南渡紹興三十二年乃

金大定二年也時因路衝招盜經過者不便始設縣至興定四年改清源置晉州以徐溝隸焉至元州廢仍隸太原路有明因之編戶一十二坊里路通四省實咽喉要衝之地其地因金嶽二河會流徐徐而下漲衝爲溝其城隨舊溝爲限而築之故

名曰徐溝

仍舊志

書院地基在東門外地二畝知縣王敷學創置

正南路官亭近城一里許在官路迤東

亭廢址存

正北路官亭距城一里許在官路迤西

東北路官亭近城一里許在官路迤北

亭廢址存

西南路官亭距城一里許在官路迤東

今改爲牛王廟

以上四亭俱萬曆四十年知縣王敷學建

考府志縣在府城南八十里本清源縣之徐川鎮

金大定中因耆民言遂東割平晉縣斷金鄉三十

三村西割清源縣梗陽鄉一十一村南割榆次縣

西管鄉四村置爲縣隸太原路元明因之編戶十

九里

國朝併十九里爲十二里

補修徐溝縣志

卷一 建置

二

舊志釋徐溝字義謂金嶽二水徐徐而下漲衝成

溝其說附會太甚水勢必迅疾而後衝激有力既

徐徐而下何能衝爲溝乎按涂徐字形相似或昔

時涂水泛漲爲溝以洩水勢久之涂訛爲徐耳水

性遷徙靡常古人之徐川鎮安知非因涂水取名

後遂訛水旁爲彳乎姑存舊說侯博雅者詳考焉

疆域

畫井分疆王制所係列樹表道周禮昭然古者司空掌邦土居四民時地利豈虛語哉徐邑幅員僅四十里所轄不過四十八村屯而與太原榆次太谷祁縣犬牙相錯表明疆界爲政之首務也

縣在府城正南相距八十里東抵榆次縣車輞村二十里西抵清源鄉西谷村一十八里南抵太谷縣登豐鋪一十八里北抵太原縣北格村一十三里縣城至榆次縣六十里至清源鄉三十里至祁

縣六十里至盤陀驛八十里至太谷縣三十里至太原縣四十五里自縣至京師一千二百里

城池

記曰城郭溝池以爲固徐邑路丁子午途通燕陝視他邑尤重鑿斯池也築斯城也俾隱然有金湯之險焉然國語有云在德不在險則夫以仁義爲垣墉以道德爲樓櫓衆志成城何以加茲

城之規制舊惟土垣週圍五里十步護城無池但濬渠以防外患而已至宋南渡後金大定間立縣始築城明宣德八年金水河漲泛夜半從東門入廟宇民舍湮沒傾頽止有北門尚存景泰三年知

縣李維新督工修治至嘉靖十三年知縣王懷禮重修更加高厚復鑿隍限內外完固且於城濠周匝栽植柳樹千餘株二十二年知縣周誥覩城上女牆傾圯并值辛丑壬寅二歲有邊警因易以磚堞又創建角樓四座四十二年知縣王邦憲每敵臺增一小亭至隆慶元年八月北兵從石州深入至祁縣太谷近徐南鄉居民恐甚隆慶二年知縣鍾爵將城更增高厚次年復加東西南甕城三座萬曆元年知縣劉選於城外創築堤堰自社稷壇

起至南壇止萬曆五年知縣吳三省奉文令太原榆次太谷清源四縣協濟磚灰復加包修其城基壘石自基至堞頂高四丈餘底濶三丈上濶一丈五尺週圍一千一百五十三丈自五年起七年秋完工城上俱用磚砌堞道城內外俱有馬道水道池堰舊制惟南門有樓萬曆八年知縣金一鳳於四城門上創建門樓四座至十年知縣于彥英扁其東曰融和西曰豐樂南曰迎薰北曰拱極三十年五月二十三日嶮峪河水驟漲將南關堤堰

衝塌水深丈餘知縣柳捷芳申修堤堰百有餘丈以防外患舊南甕城門南向直衝北門北關門無甕圈患無關攔三十九年知縣王敷學改南甕門東向北關門增甕圈氣象完聚

國朝康熙九年知縣趙良璧覩四門城樓頽圯捐俸重建頗爲壯麗額其東曰懋勤東作南曰薰風解愠內向曰曼臨丙德西曰碩望西成內向曰長庚垂慶北曰晉陽鎖鑰又於北關城東西開二耳門農務甚便復於北關北門上建巍閣扁曰徐封重鎮

隨濬池瀦水建蓋橋梁四座池堰周圍植柳千餘株居民利賴二十五年蒙

聖恩發帑修城知縣陳義暉遵修南城二十七丈三十八丈六年太谷縣知縣署徐溝縣事包秉奎捐俸修東城二十五丈後三河數漲復壞東城六十八丈有奇四十九年知縣王嘉謨倡捐勸輸重修完固

咸豐三年知縣賈聯芳同邑紳王承裕慶補修西南城垣數十丈新建南城樓一座

同治元年河水漲發浸塌西北城垣數丈或數十

補修徐溝縣志

卷一 城池

六

丈不等前宰程鳩工修築一律完固四門城樓僅存基址亦展拓舊規重檐傑構卓然形勝懸額樓上東曰三河環繞又曰雲近蓬萊南曰衢通繡甸又曰揮絃鎮靜西曰地臨華岳又曰碩望西成北曰斗拱北辰又曰晉陽鎖鑰城已固矣仍無池也光緒五年動祥莅任當即督同紳民鑿池於外極深濶栽柳數百株嚴戒翦伐金嶽二水再漲由池導之西流達清源界入汾河庶永無水患哉

道路

縣衙官道先是水渠地勢低下一值大雨行人每苦泥濘萬曆四十年知縣王敷學捐俸修理自東巷口直抵察院門俱用磚砌迄今遇雨官民便之縣城外四路濶三丈六尺舊自城門直抵界牌兩旁栽柳樹約萬餘株後遇歲歉民採皮葉以爲食樹多枯朽知縣王敷學復令栽植置樹簿稽查

初舊志

查舊栽柳株現存者不及十分之一光緒五年勳祥捐俸補栽萬株每因公便順道巡查以防翦伐將見

翠浪連翻蔭周驛路庶於十年樹木之計或不誣矣



里甲

東南坊 在城

布德東里 在城東南  
離城八里

崇義里 在城東南  
離城十里

東北坊 在城

大常東里 在城正東  
離城二十里

王房里 在城東北  
離城十里

西北坊 在城

王答里 在城西北  
離城十里

郝村里 在城西北  
離城十五里

西南坊 在城

宜武里 在城西南  
離城七里

清德里 在城正南  
離城十里

補修徐溝縣志

卷一 里甲

八

村屯

大常鎮 距城二十里  
楚王村 距城七里

張楚王村 距城十里

李青村 距城十里

東楚王村 距城十里  
東賈村 距城十里

西賈村 距城十里

集義村 距城十里

史家社村 距城八里  
莊子村 距城三里

莊子營 距城七里

靳村 距城十里

姚家堡 距城三里  
小王村 距城五里

良隆村 距城五里

王房村 距城五里

橙橋村 距城五里  
以上東鄉

遼西村 距城五里  
劉村 距城七里

張花屯 距城五里

同戈村 距城十里

趙家堡 距城五里  
白樹村 又名綠樹村  
距城十里

隆全堡 又名□□營  
距城十里

王答村 距城十里

郝村 距城五里  
吳家堡 距城五里

新莊村 附北關

以上北鄉

黑石屯 距城十里

龍家營 距城十里

大寨村 距城七里

常家莊 距城八里

北尹村 距城十里

南尹村 距城十里

桃花營 距城十里

里旺村 距城二十里

南小村 又名南豐 距城八里

北小村 又名北豐 距城七里

郃村 距城二里 附西關

武家莊 附西關 距城三里

黑城村

以上西鄉

高花村 距城十三里

南宜武 距城十里

北宜武 距城八里

南內道 距城七里

北內道 距城五里

清德村 距城十里

懷遠村 距城十五里

甯家營 距城十二里

杜村 距城二十里

以上南鄉

堡寨

內道王房劉村張花莊子白樹王答郝村  
黑石南尹李旺宜武張楚王俱舊堡附

北關土堡週圍四百二十丈高二丈七尺

補修徐溝縣志

卷一 村堡 市集附

九

懷遠土堡週圍一百五十三丈高二丈七尺

西楚王堡週圍一百七十丈高三丈五尺

大常堡週圍一百四十五丈高三丈

餘有高花堡遼西堡集義堡靳村堡小王堡基存

市集

縣內集期每月雙日

大常鎮集期每月單日

集義村集期每月單日

南尹村集期每月單日

河渠

徐之爲邑有水無山洞渦金嶽三水回環溝澮交錯  
偶值旱乾農田灌溉收穫豐盈以地利補天時民生  
賴焉然大雨時行河流漲溢亦難免漂溺之患尋源  
竟委引導疏濬豈遂無術乎特工費浩繁圖始不易  
耳除道成梁王政之大併附於後

洞渦河源出於樂平縣之陡泉嶺西北流入平定  
州至壽陽縣之南界及榆次縣之東界合涂水下  
流於太原縣之北格等村注汾河昔之故道也今

則改移本境之城北由榆次永康鎮順流於良隆  
遼西同戈等村而入清源鄉地界洞渦河一名洞  
過河據北魏以五水合道名洞過或作同戈水經  
注亦作洞過又有作洞渦者俗名淤泥河此今之  
河道也

嶽峪河源出和順縣恤張嶺下距本邑一百八十  
里路經太谷縣城東南治地流入城南十里清源  
鄉界明萬曆九年南尹鄉民挑渠引移縣南五里  
今考其路由太谷流入本縣城南是河之舊道至

乾隆二十四年秋水漲發由太谷南席村改流於榆次縣之西范村南莊村而入本縣大常鎮之村南次及西賈村史家社以至縣之南門外下流入清源界斯河也春涸秋漲損益居半至今居民加意隄防焉

金水河源出太谷縣大塔山下至雲母祠衆泉合流經榆次縣劉家寨渠接入本縣大常鎮東二社之渠以至集義村漫流於縣之城東南隅舊志土砂水讎今不然矣夏秋水漲大小無定沿河民田

不至受水患

大常鎮村南里許有嶠峪河河北有攔渠堰高三丈長盡界東社舊有盛靈渠由太谷小常村南引嶠峪之水經榆次西范村入境今渠廢碑存有玉順渠係道光十六年新開從大堰南倒引嶠峪之水灌村東地十數頃又金水河從榆次西范村渠入境灌地西社有三社渠從村西引嶠峪之水灌村西北地七頃餘又和順渠引嶠峪之水灌地數頃

西賈村東西有二渠村南引嶽峪河水灌地

東賈村村北有古渠引嶽峪河水灌地

高花村有砂河渠可灌田十餘頃

杜村村南里許五馬河河流占地十頃有餘

董家營有仁義渠開於嘉慶五六年間與劉村同在洞渦河築隄引水灌地道光元年大渠廢後又開新仁義渠買接劉村同戈綠樹村嘉平渠水灌地二十餘頃

黑城營有踪禹渠引北關嘉平渠王答敦化渠水

灌地二十餘頃

莊子村有嘉平渠引洞渦水灌地數十頃

黑城村有永合渠開於乾隆四十五年引王答敦

化渠水灌地光緒元年洞渦河遷徙淤泥壅塞僅

灌地六頃餘

龍家營有洞渦河經流同治九年河水泛漲橫流不由故道光緒元年村北村西冲成大槽水入村經邑侯賈銀二公親勘乃命築大隄於西北築小堰於村邊

北尹村村東有天順渠引三河水灌本村一帶田  
畝村西有古宦官渠周圍有盤龍渠一道離村三  
里又有渠一道引洞渦水灌村西一帶田畝村東  
風泉地南尹村借境開南新渠一道引王答村敦  
化渠城關嘉平渠水灌大小官地范家灣地若干  
畝東來三河渠水能開南北兩口每口五丈有餘  
能灌東南北田畝  
北綠樹村有德盛渠於洞渦河築堰引水灌地  
劉村莊有仁義渠引洞渦河水灌地

南尹村村東有仁義渠引嶮峪金河之水灌地數  
十頃村北有仁濟渠引洞渦河水灌地數十頃村  
西有古宦官渠係由省西門外接汾河之渠今廢  
村東有盤龍橋村西有起鳳橋村南有柳青橋村  
北有金水橋  
郟村村北有德潤渠今廢村南有南官渠引縣南  
門外水灌地

三遼西村村北近臨洞渦河村之東界太原縣桃  
園堡舊有嘉平渠一道前明嘉靖三十五年奉旨

開挑引洞渦河水灌地數十頃堰在桃園堡東胡  
喬村西直接河流

同戈站有永興渠引洞渦河水灌地數十頃

良隆村東北界太原縣桃園堡有嘉平渠引洞渦

河水灌地與靳村莊子營莊子村本城同一渠道

橙橋村北界榆次縣郝村有嘉平渠引洞渦河水

灌地

東楚王村四面有護村堰同治七年十一月又築

新堰以防嶮峪河水

補修徐溝縣志

卷一

河渠

十四

北里旺村在桃花營村北有渠一道引桃花營河

水灌地七八十畝

里旺村有新興渠引嶮峪之水灌地十頃餘

西懷遠村村南北各有送水渠南渠灌地八頃北

渠灌地七頃又有砂渠一道接清德舖取水灌地

北豐潤村村南有廣潤渠村北有仁義渠接南關

水灌地

桃花營有高花和尚二渠引水灌地三四頃

清德舖村東南西面各有渠接五馬嶮峪二河水

灌地五頃餘近年渠廢水不至故也

趙家堡東西北三面洞渦河環繞引水灌地

渠名德盛渠

武家莊村外有南北兩渠俱接嘉平渠之尾另有

仁義渠一道在村西共灌地二十餘頃

郝村有復興渠與吳家堡龍家營夥開三村灌地

多寡不等

靳村有嘉平渠同城關莊子村莊子營在洞渦河

引水灌地村外週圍有壩堰以防水患村中又有

古善橋乃城關喫水之要隘

補修徐溝縣志

卷一

河渠

十五

小王村村北有天順渠受水於榆次東長壽村今

渠廢水不至故也

溫李青村村南有古堰村東有德勝渠一道由嶽

峪河接水灌地

劉村村北臨洞渦河有渠引水灌地名仁義渠有

護村堰以防水患

張花營有護村堰長四里有興營渠在東南引水

有敦化渠在村西引水

南綠樹村有永興渠引洞渦河水灌地二十九頃



楊李青村北有護村堰以防嶮峪河水泛溢村東有渠一道東西淵六丈南至太谷縣之胡村北至東楚王村東

戴李青村有天順渠引嶮峪河水灌地

王房村有渠引洞渦河水灌地七頃餘

集義村村北有天順渠遺跡村南有公順渠遺跡村南頭畛有護村堰以防水患第二畛南有護田堰上植樹木村東南有高麻堰以防嶮峪河水漲張楚王村村南舊有嶮峪河村東南有喫水渠一

道名德澤渠四面灌地俱有子渠今河徙渠廢村南有護村堰

西關廂舊有廣順渠今廢

馬家莊村東北有通順渠二道引王答村敦化渠水灌地一十頃

大寨村村北有兩渠一爲大北渠一爲二北渠村南有兩渠一名大南渠一名小南渠村東北有南北渠一道名大東渠引洞渦河水灌地三十頃餘王答村有敦化渠係乾隆十三年開鑿從洞渦河

築堰引水灌地河東有太原縣南格村一口本邑  
張花營一口河西有本村同戈站南綠樹村三口  
北綠樹村亦由本村東北大渠內引水灌地本村  
大渠經趙家堡東南同戈站東北北綠樹村南至  
本村東北分爲南北二渠通共可灌之地計四百

餘頃又者趙家堡德盛渠一口

每歲舊例築堰幫夫  
四十名引水灌地

附錄舊志河渠 嘉平渠一道明嘉靖年間奉  
旨開設乃洞渦河第十八道泥渠也上至長壽  
村下至武家莊並無一粒租粟渠濶七丈二尺

卽在榆次縣東長壽村引水經過陳胡述巴東  
西胡喬等村灌王房良隆靳村莊子營莊子村  
遼西村縣城北等處地畝至明末壅塞踪跡僅  
存 國朝康熙四年北關廂同城內北街鏵夫  
挑濬引水灌地後又因河勢南流塌斷渠身今  
在胡喬村西北引水始與遼西村分爲兩口城  
關渠由橙橋村南良隆村南莊子營村北到縣  
城東北分爲三渠首一渠名官渠第二渠名門  
渠第三渠名子渠灌城北一帶地畝至康熙

年莊子村莊子營靳村良隆四村補前挑濬工  
卯使費銀兩入例挑濬分水灌地每夫十名分  
水一晝夜莊子村入夫七十名莊子營入夫七  
十名靳村入夫七十名良隆村入夫四十名四  
村夫名俱不許增減惟城關夫二百名因有疏  
濬之功又鍤多作主許增亦許減至灌地之先  
後城關首灌莊子村次之莊子營又次之靳村  
良隆挨次輪流週而復始不得攙前越後渠身  
亦不許開口築堰遵爲永章 嘉平渠引洞渦

河水灌遼西村地畝 沙河渠引洞渦河水自  
張花村經流本縣考之通志源出樂平民以爲  
渠灌溉田地 禿尾渠引洞渦河水灌北門外  
田地 常安渠由榆次縣郝村引洞渦河過桃  
園堡小堡村灌本縣諸村地畝 廣潤渠引洞  
渦水由本縣北官道經流灌縣西南地 仁義  
渠引洞渦水灌武家莊大寨村等地 劉村渠  
卽禿尾渠因在洞渦河劉村取水故名灌北關  
官渠上下子渠一帶地畝 同戈村有永興渠

一道引洞渦河從太原縣桃園堡北取水由劉村莊經過下至南白樹村止 嶠峪渠一道自李青村接引灌縣城南地 嶠峪渠一道自李青村史家社接引灌縣城東七里地畝 淵澄渠一道引嶠峪河水由本縣南官道經流灌縣城南地 萬安渠從嶠峪金水兩河取水大半係榆次太谷地方渠口脫堰餘水也由本縣大常鎮東西賈村東楚王村入史家社村灌田畢自史家社西左右子渠與在城東街古渠交通

統流至國老渠堰南北分流灌溉田畝當年原有利無害因康熙元年二河漲發大水橫流將堰衝斷塌壞民田直抵城根又於三十一年至三十九年淹倒城垣百十餘丈四十九年知縣王嘉謨捐修堅固於五十一年六月河水又發將路衝斷仍到城下水深數尺萬民受害五十年來無人整理至五十一年知縣王興利除害親詣國老渠舊堰東踏驗明白編夫挑築後卹有大水其勢可分從此城垣得以永固城東二

帶民地照舊復灌因名爲萬安渠 長澤渠一  
道在縣屬城東南張楚王村西引嶽峪河水灌  
溉城南一帶民田至康熙二十三年河道不行  
經今三十餘年知縣姚江王嘉謨留心水利於  
六十年親詣踏驗集夫疏濬渠工告成年深歲  
久恐又湮塞將開濬河路灌溉地名詳載於後  
河口地畝著價買占

渠路從張楚王村村西聖賢廟後經過至村西  
北分爲二渠 南渠從董高馮穆郭冀田一帶

楚王村村北經過往西灌在城孫家墳左右地  
石橋地神堂畛地內道村北地並南北小村地  
北斜渠從張楚王村郝家地鞭梢地白家林  
地經過至十字渠係在城地界往北灌趙家老  
橫畛地並沙灘地往南灌北窪地往西北灌老  
東南地向東有秃尾渠一道至折腰地又有東  
西秃尾渠二道灌至劉渠地口東西分爲二渠  
往東灌小東南地王朱道口地並東橫畛地往  
西灌劉渠地馮家墳左右地三角地至河南地

道口復分爲二渠往西北灌太谷道地西橫畛地壇前地往正西灌河南地短畛地長畛地小正南地截頭地西園地孫家渠地東西鋪角地鱗地戍家墳地小西南地並老西南地 盛靈渠明洪武七年春經大常鎮張學盛常靈二人在嶮峪河營繕開創名曰盛靈渠引水於太谷小常村道經榆次西范村是其來有所後至國朝康熙五十二年漸次廢弛壅塞不行至乾隆七年奉憲開濬渠路以防旱澇知縣劉大寶令渠頭張天貴張芹桂張克容等重開復濬凡徐邑東鄉一帶地畝俱沾膏澤

按舊志渠道今多湮塞形跡迥殊然水性靡定安知故道之不復乎存之以備考

橋梁

縣正北官路隔洞渦河有木橋一座康熙三十六年鄉民趙文學等捐銀一百兩每年生息以備秋後修理之用

舊志

今查此橋已圯壞捐項亦無從稽考矣縣城南門外城濠石橋一座康熙三十九年鄉民張自重等建

北關外有通濟橋同治年間知縣程君督同紳士張耀廷等所建工甫竣而洞渦河漲冲壞光緒五年勳祥蒞任目擊殘缺情形大礙行旅亟爲經營復延張耀廷督工重修地形如昔橋則砌成五空於是河流舒暢可無冲塌之患往來得履坦途矣碑記見藝文西南門外有朱公橋迺嶮峪河經流之地相傳橋爲國初知縣朱君所建以濟行人日久年深橋石坍塌道光年間知縣周君督同紳士王承慶等集資重修高濶倍前行旅便之

公署

叔孫雖一日必葺館而後行第五倫雖一宿必掃地而後去古人作用正妙在細微處不滲漏耳况公署乎一人向隅當有閉閣之思百姓失所不無仰屋之歎若日傳舍過矣

縣治在城西北隅宋南渡時金人創建明洪武三年知縣韓文寶增修景泰間知縣李惟新重修嘉靖十五年知縣王懷禮增修正堂連捲棚堂東爲庫堂西爲贊政亭堂階東下序吏戶禮三房階西

補修徐溝縣志

卷一 公署

二十三

下序兵刑工三房儀門三間東西角門各一間儀門外東爲土地祠祠之東知縣王三錫建寅賓館三間其西南隅爲獄內建皋陶祠一間監房共一十二間西側女獄一間舊週圍環以土垣萬曆三十四年知縣柳捷芳四面以甃包砌日久甃俱傾圮勲祥蒞任去其敗堵增修獄神廟併東西房各五間女監三間以及巡更提牢等房各一間計共十六間至裏外監牆均加高厚現已一律完工矣國朝順治十五年知縣高直於宅內正北建樓三間



堂東南建庫樓一座康熙三年知縣邊大乂於宅週圍築高牆正堂後爲知縣宅縣治前抵街後抵城三十九年知縣簡能重建大堂三間倉庫房二間堂階下吏舍如舊儀門三間大門一座四十九年知縣王嘉謨於堂前創建牌坊一座儀門東重建土地祠一座縣丞宅在縣堂東南萬曆年間缺裁今爲典史署舊典史宅在縣堂西南今廢爲草場典史宅前爲豫備倉

察院公署今廢

補修徐溝縣志

卷一 公署

二十四

布政司按察司公署及府公館今俱廢

大公館在西門外

勲祥

蒞任後因屢辦大差地勢

湫隘難容車馬是以捐俸增修房屋數十間

同戈驛在城外北關西偏嘉靖十五年知縣王懷

禮重修其驛內空基週圍四至監房俱載驛牌

國朝順治年間知縣王惟敘重建增濶

同戈遞運所萬曆六年革除堂宅俱廢知縣楊國

楨申文將地基變價

醫學在儒學對門後改爲書院知縣楊國楨申文

改爲公館

陰陽學舊在西城今廢

僧會司在城東南隅壽聖寺

道會司在縣西長春觀

演武場在縣西南路東大門一座演武亭三間東

將臺一座西耳房一間週圍空基一十八畝嘉靖

二十年知縣周誥創建今廢

養濟院在縣南門內路東大小房二十間年久坍塌

僅存廢基乾隆六年知縣廖賡軒詳准將基變

價移建北城關廂

射圃亭舊在縣西北隅今水占

社稷壇在縣北門外西北隅繚以垣牆植柳株爲

四至今柳無存僅有垣跡東抵官道西至橫畛南

至圍牆北至隄堰東西長六十步南北濶四十步

共地八畝

邑厲壇在縣北關外東北隅繚以垣牆南北長一

十五丈東西濶五丈共地五畝

風雲雷雨壇在縣南關外東南隅繚以垣牆植柳

株爲四至今柳無存僅有垣跡共地七畝

先農壇在東關雍正六年知縣甄之璜奉文建乾隆二十年知縣傅克欽重修

孝義祠在學宮戟門東乾隆二十二年知縣傅克欽重建

節孝祠在縣治豫備倉前乾隆二十二年知縣傅克欽重建

鄼侯祠在縣治儀門東乾隆二十三年知縣傅克欽重建

嬰骸塔在西關漏澤園內乾隆二十二年知縣傅克欽重建道光辛丑年知縣周國頤重修光緒丁丑戊寅歲大饑死亡相枕埋遺骸於此者約數千人

漏澤園在縣西南路西八蜡廟後地七畝四分七釐 義塚在北關外近五里墩萬曆三十九年知縣王敷學捐置地二畝 光緒八年三月勲祥捐

俸於東關外置地陸畝作爲義地以便掩埋異鄉尸骨交壽聖寺住持僧經理業已立有案卷矣

學校

學校者鍾英育才之地也我

國家稽古建學作養人才榮以章服優以廩餼崇聖賢  
之祀典使身列黌宮者禮陶樂淑以底於成所以殿  
廡堂齋祭器樂器書籍學田司之於官隆教化而重  
善良也

文廟在縣治西東至城隍廟西至察院南至官道  
北抵城牆長一百步濶四十一步金大定中建明  
洪武三年知縣韓文寶羅本初相繼重修天順成

補修徐溝縣志

卷一 學校

二十七

化間知縣楊翱吳亮重修正德嘉靖間知縣張鑑  
李選重修嘉靖十五年知縣王懷禮恢擴規制二  
十七年知縣邵鶴年三十八年知縣閻司衡次第  
修補萬曆二十二年知縣蘇禾重修三十六年知  
縣楊國楨申修 文廟尊經閣 啟聖祠及兩學  
住宅工未就緒調任太原縣三十九年知縣王敷  
學捐俸完工復於南城上創建文筆峯一座高二  
丈七尺久廢  
啟聖祠三間舊在戟門左萬曆四十年知縣王敷

學移建明倫堂後

名宦鄉賢祠在戟門左右

敬一亭三間在戟門右久廢

明倫堂東西廂房各三間東西齋亭三間曰進德

修業萬曆八年知縣金一鳳重修而於堂左隅添

建文昌祠一座東西號舍二十間久頽廢

教諭  
訓導宅均在明倫堂後正堂三間東側亭二間西

側亭二間後宅正房各三間東西廂房各三間萬

曆四十年知縣王敷學重修

補修徐溝縣志

卷一 學校

二十八

國朝康熙十一年知縣趙良璧重建

先師殿五間東西廡各七間鄉賢祠三間名宦祠

三間戟門三間櫺星門三間

啟聖祠三間移正殿東北明倫堂三間移正殿後

東西齋房各三間尊經閣一座在明倫堂後泮池

在戟門外櫺星門內訓導宅移尊經閣東

奎星樓舊在學宮內明崇禎年間知縣李栩遷城

東南角樓

國朝康熙十一年知縣趙良璧捐俸改建於學宮

啟聖祠前東隅

康熙二十九年知縣陸史捐俸補修殿廡 啟聖  
祠門牆明倫堂門牆三十六年知縣陳大年捐修  
學宮並大成牌坊四十一年署教諭榆次縣訓導  
衛巾瑛捐修泮池四十四年教諭王蓋臣捐俸重  
建西廡七間四十八年署知縣太谷縣知縣孔興  
誥捐俸重建東廡七間四十九年知縣王嘉謨捐  
俸補修正殿 啟聖祠戟門櫺星門並東西齋房  
各三間五十年重建道冠古今德配天地兩坊並

補修徐溝縣志

卷一 學校

二十九

大成牌坊

乾隆二十二年知縣傅克欽重建明倫堂及東西  
齋房三十三年重建德配天地道冠古今坊監官  
員下馬碑建學門修泮池二十四年重建大成坊  
世祖章皇帝欽頒卧碑

朝廷設立學校選取生員免其丁糧厚其廩膳設  
學院學道學官以教之各衙門以禮相待全要養  
成賢才以供朝廷之用諸生皆當上報國恩下立  
人品所有教條開列於後

鄉曲所作文字不許妄行刊刻違者聽提調治罪

御書匾額

萬世師表

康熙二十三年頒發

生民未有

雍正三年頒發

與天地參

乾隆三年頒發

聖集大成

嘉慶七年頒發

聖協時中

道光元年頒發

德齊幬載

咸豐元年頒發

聖神天縱

同治元年頒發

補修徐溝縣志

卷一 學校

三十一

斯文在茲

光緒 年頒發

文廟初建補修年分已詳舊志 國朝康熙十一

年重修後年久傾頽道光二十六年知縣周國頤

教諭梁宗惠邑紳王承慶集貲修大成殿五間東

西廡各七間鄉賢祠三間名宦祠三間戟門櫺星

門大門照壁一律完整建園橋濬泮池恭懸

列聖御書匾額樹碑亭鐫聖賢像贊東北爲一宗聖

祠西爲明倫堂以平定朔漠 御製文勒碑後有

二堂三間門斗房一間二堂後尊經閣規制不

一生員之家父母賢智者子當受教父母愚魯者子既讀書明理當再三懇告使父母不陷於危亡

一生員立志當學爲忠臣清官書記所載忠清事蹟務要互相講究凡利國愛民之事便宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司衙門不許輕入卽有切己之事止許家人代告不許干與他人詞訟他人亦不許牽連生員作証

一爲學當尊敬先生若講說皆須誠心聽受如有未明從容再問毋妄行辯難爲師者亦當盡心教訓勿致怠惰

一軍民一切利害不許生員上書陳言如有一言建白以違制論黜革治罪

一生員不許糾黨多人立盟結社把持官府武斷



宏敞同治十二年知縣銀沆教諭胡泰成恢拓舊基購料仿建四面出檐煥然改觀其東爲教諭宅正房三間東西房各三間書房院一所正房二間大門上修奎星閣門外照壁節孝祠在 文廟西正廳三間牌樓一座廂房各三間同治中孝廉方正劉有蘭重建

文廟祭器舊有錫爵二十四箇木碗五十箇

光緒二年知縣王希濂捐製古銅廣錫祭器壹百柒件存儒學有冊

學額

廩膳生二十名

增廣生員二十名

歲科兩試取進新生十二名

武生十二名迭次加廣學額文武新生各取十六名

學田

温居富地七畝 温現曾地二畝 温昌畢地二畝  
二分 温治和地六畝八分 温全信地一畝 温  
全禮地一畝 温作全地三畝五分 温富貴地一  
十畝六分 温昌福地四畝 温全廣地二畝三分  
温全魁地三畝 温全爨地二畝七分 楊拐子地  
九畝八分 喬羽地一十八畝一分

以上計地一十四段俱在李青村

劉攀傑地二畝 張元傑地二畝一分二釐 高永

補修徐溝縣志

卷一 學田

三十三

甯地四畝 劉福聚地九畝八分 張廣福地一畝  
七分 劉福聚地一十畝四分三釐 劉繼保地二  
畝 王林合地一畝五分 劉全仁地四畝 李受  
傳地三畝六分 劉福倫地三畝四釐 李聯芳地  
三畝二分

以上計地一十二段在集義村

段興詩地一十畝三分 段寶風地一畝四分 韓  
怡修地三畝五分

以上計地三段在史家社村

張成春地四畝

計地一段在北內道村

楊世英地一畝八分五釐

在城西門外

飲馬池地陸畝東至姚益西至王敬南至王銓北至鄭義 在莊子村西

飲馬池地租四面曠田地租併春秋兩丁祭押榜紙價餘銀每丁銀一兩共作闔學文武生員科歲兩考試卷公用

學田歲收租課贍給廩生道光間租多逋歉知縣

補修徐溝縣志

卷一

學田

三十四

周國頤會同教諭梁宗惠挨村詳查將逐次埋沒田畝抗不出租之戶分別比追租課始一律完繳數十年來又復疲玩不特抗不出租且有暗賣田畝之弊因大禋之後稍從寬緩今議復加查考共籌良法立案遵行

書院

鹿洞鷺湖名賢講學師道立善人大儒蔚興教成之也我

朝文治軼前學校之外復建書院給膏火培養甄陶規模宏遠徐有良牧初始興修嘉惠士林偉哉懿哉

徐邑金河書院徒有其名同治三年知縣程公豫倡議創建紳富慕義輸助時喬中丞松年巡撫安徽力贊成之數月工竣東廳三間南北廂房三間講堂三楹黃學使以志在聖賢額其內先君子以

人材淵藪額其外兩旁有角門南北配房各三間又有生童肄業房南北十四間中建龍門一座南北廚房各二間大門左右門房各二間門外照壁同治十三年補建大廳兩邊耳廳各一間上爲希賢閣祀邑前輩酌定規條存當行生息銀九千四百兩每年得息銀八百三十兩掌教脩膳銀二百兩生童膏火銀三百餘兩雜費銀一百兩監院節饋並書役工食銀一百兩有碑記見藝文

壇廟

邑有社稷故有壇廟以時致祭而旱乾水溢並祈禱焉至於梵宇琳宮仙台道院所在皆是何哉過墟觸感入廟生敬非神道設教之意乎智者明理愚者信象所從來遠矣

秩祀 續

文廟

社稷壇 在小北門外

風雲雷雨壇 在南門外

補修徐溝縣志

卷一 壇廟

三十六

邑厲壇 在小北門外

先農壇 在東門外

關帝廟 在本城市樓西

城隍廟 在縣治西

文昌閣 在城外東南

奎星樓 城上東南隅

土地祠 在縣署儀門外東邊因年久傾圮勲祥倡捐重修現已整齊

節孝祠 在縣治西

鄼侯祠 在縣署大門外

東嶽廟

在城外正東

純陽宮

在城西南隅

龍王廟

在城外正東

馬王廟

一在北關一在縣署東因年久傾圮勲祥  
倡捐重修現已棟宇輝煌頗覺改觀

羣廟

財神廟

在壽聖寺西

西母祠

在西門內

長春觀

在縣治西

牛王廟

在城外西南

補修徐溝縣志

卷一 羣廟

三十七

聖母廟

在城外東北

四鄉廟宇

就現在所有開載

玉皇閣

俗名市樓

壽甯寺

聖賢廟

文昌閣

太微觀

龍王廟

以上俱在大常鎮

福興寺

三聖廟

關帝廟

文昌閣

以上俱在高花村

文昌廟

龍天祠

聖賢廟

以上俱在西賈村

補修徐溝縣志

卷一

羣廟

三十八

淨會寺

關帝廟

狐突廟

財神廟

文昌閣

以上俱在杜村

五聖廟

臥龍廟

以上俱在東賈村

廣慶寺

關帝廟

文昌閣

以上俱在黑城營

文昌廟

關帝廟

河神廟

以上俱在莊子村

文昌閣

補修徐溝縣志

卷一

羣廟

三十九

大覺寺

以上俱在黑城村

福壽寺

關帝廟

文昌廟

盤古廟

龍天廟

以上俱在史家社

文昌廟



關帝廟

聖母廟

以上俱在北尹村

關帝廟

白雀寺

以上俱在北綠樹村

普照寺

關帝廟

文昌閣

補修徐溝縣志

卷一

羣廟

四十

以上俱在南尹村

淵澄寺

關帝廟

以上俱在郟村

聖恩寺

文昌閣

關帝廟

以上俱在北里旺村

大王廟

關帝廟

三聖廟

以上俱在里旺村

文昌廟

娘娘廟

以上俱在西懷遠村

關帝廟

龍王廟

以上俱在豐潤村

補修徐溝縣志

卷一

羣廟

四十一

關帝廟

福隆寺

玉皇廟

以上俱在高花營

龍恩寺

關帝廟

奎星閣

以上俱在趙家堡

關帝廟

龍王廟

以上俱在武家莊

關帝廟

壽聖寺

以上俱在靳村

洪福寺

文昌閣

關帝廟

以上俱在小王村

補修徐溝縣志

卷一 羣廟

四十二

大厯寺

三村公建

玉皇廟

以上俱在温李青村

三佛寺

關帝廟

河神廟

以上俱在南宜武村

龍天廟

文昌閣

聖賢廟

菩薩廟

奎星閣

以上俱在張花營

天齊廟

文昌廟

關帝廟

以上俱在楊李青村

文昌廟

補修徐溝縣志

卷一

羣廟

四十三

關帝廟

以上俱在甯家營

五龍廟

關帝廟

以上俱在戴李青村

白龍廟

法明寺

以上俱在王房村

福緣寺

關帝廟

結義廟

玉皇閣

奎星閣

眞武廟

以上俱在集義村

玉皇廟

文昌財神閣

三皇閣

補修徐溝縣志

卷一  
羣廟

四十四

關帝廟

文昌閣

河伯祠

以上俱在張楚王村

關帝廟

玉皇閣

以上俱在馬家鹽房

關帝廟

文昌閣

以上俱在北豐潤村

按徐邑舊有八蜡廟不知何年圯壞無人修葺祀祭亦不舉行至火神則城鄉均無祠宇光緒辛巳年勲祥勅議修建士紳等咸樂趨事而張遊戎耀廷尤爲明禮好義身任其事於東門外倡捐廟基刻日鳩工廟分兩院前八蜡後火神春秋致祭並開會場列肆六日俾民得祈報焉

城隍廟在縣治西五十步金大定中建明永樂宣德間金水泛漲遂淤壞景泰間知縣李維新重建成化間知縣楊翱重修廟門上建樂樓一座嘉靖間知縣王懷禮增修

國朝康熙十二年殿遭回祿知縣趙良璧重建

文昌帝君祠舊在東門樓上後移儒學明崇禎年間知縣李栩復遷東門樓上康熙十三年知縣三韓趙良璧議補城闕以振文風於縣城東南相度形勢創建高閣一座每歲春秋上丁縣官親祭

關帝廟城關共四座一在市樓西向東一在東門外  
迤南一在北門內迤東一在北關甕城順治七年  
知縣三韓曾養心移建北關外

結義廟在南門內路西東向

眞武廟三座一在長春觀前一在縣北門樓上一在  
西關廂迤北

馬王廟舊在同戈驛北隅今遷驛宅之東北隅

諸葛武侯廟在縣東賈村

東嶽廟在縣東門外

補修徐溝縣志

卷一

羣廟

四十六

龍王廟在東嶽廟右嘉靖間知縣邵鶴年建康熙二  
十四年知縣陳義暉重建

三官廟在北關內路東

三清廟在縣治西金大定年間建

八蜡廟在縣西南路西五月五日起萬曆年間知縣

劉選建

三聖廟在縣西南高花村

龍天土地廟在城東莊子村

狐突廟在城南北內道村

俗稱在縣居住故  
有突尾渠之號

西神聖母廟在城西門內路北

純陽宮在縣西南隅

地藏菴在市樓北路東知縣趙良璧創建

財神廟在壽聖寺西偏

牛王廟在西官路路東

河神廟在南關南

壽聖寺在縣治東南隅四角俱以井爲界金設縣時

建宣德嘉靖隆慶年間俱重修康熙五十年春知

縣王嘉謨捐俸重建官師習儀焉

補修徐溝縣志

卷一 寺觀

四十七

真空寺一一在縣治西南隅嘉靖年間建康熙二十

二年重建一在縣東楚王村景泰年間建

福壽寺在縣東史家社正德年間建

洪福寺在縣東景泰年間建

淨會寺在縣南二十里宣德年間建

玉泉寺在縣東北正德年間建

圓澄寺在縣西部村

明因寺在東賈村

靜甯寺在縣東大常鎮



福興寺在縣西南高花村景泰年間建

白雀寺在縣西北白樹村

大覺寺在縣南北內道村天順年間建

大厯寺在縣東南李青村宋紹興年間建

長春觀在縣治西金大定年間建

太微觀在縣東南大常鎮元延祐年間建

紫微觀在縣西北郝村

玉皇閣卽市樓在縣治大街迤南景泰年間建萬曆

十九年重修

補修徐溝縣志

卷一

寺觀

四十八

觀音堂七一在縣東北隅一在縣東南隅一在縣西

南隅一在縣西北隅一在北關東後街一在南關

正南一在西關正南

千佛洞在縣東門外路北萬曆三十四年建

今廢

崇善菴在縣北關外萬曆三十一年建

準提菴在北關外路西

混元寺在城北隆全堡康熙三十八年知縣簡能建

三皇廟在北門甕城內康熙二十七年知縣陳義暉

建

碧霞元君聖母廟在崇善菴東明萬曆三十一年建

以上仍舊志

補修徐溝縣志

卷一

寺觀

四十九

典禮

朝野上下非禮不行繁文縟節將以恭誠彬彬爾雅官也民也均納身軌物矣詎可忽諸習用之儀悉錄於簡範圍斯世是為大也

文廟釋奠禮

凡釋奠於先師之禮府州縣皆為廟曰文廟殿曰大成以四配十二哲侑饗殿中以先賢先儒從祀兩廡歲以春秋仲月上丁釋奠先師正位 制帛一色白牛

一羊一登一實以太羹 釧二實以和羹 簠二實以黍稷 簋二實以稻粱 籩

補修徐溝縣志

卷一 典禮

五十

十實以形鹽薨魚棗榛栗 豆十實以鹿醢 芹菹兔醢笋菹

魚醢脾拍 樽一爵三鑪一鐙二四配位各制帛一色白 羊

一豕一鉶二簠二簋二實上並 籩八實以栗榛菱芡鹿脯

豆八實以醢芹菹兔醢笋菹魚醢 爵三鑪一鐙二東西各

樽一十二哲從位各制帛一鉶一同上 簠一實上 簋一

籩四實以棗栗薨魚 豆四實以芹菹兔醢 爵三東西各

羊一豕一樽一鑪一鐙二兩廡從位每兩位共一案

每位爵一每案簠簋各一籩豆各四東西各羊三豕

三樽三統設香案二每案制帛一爵三鑪一鐙二牲

載於俎帛正位四配異篚十二哲東西共篚樽實酒  
疏布鬯勺具樂器麾一編鐘編磬各十有六琴六瑟  
四排簫二簫篴笙各六壎二箎四建鼓一搏拊二祝  
敵各一水笏六設於階下分左右懸樂律中和韶樂  
春以夾鐘爲宮秋以南呂爲宮樂章六奏舞佾六佾  
三獻均文舞舞器引舞以旌節左右各一文德之舞  
以羽籥各三十有六祭之前二日承祭分獻各官皆  
致齋執事官補服至犧牲所省牲前一日承祭官率  
僚屬朝服上香監視宰牲執事官舉祝案送致齋所

承祭官視畢送至前後殿安設一跪三叩退祭日日  
出前六刻承祭等官更衣畢通贊贊啟戶樂舞生登  
歌執事者各執其事文舞六佾承祭官就位分獻官

就位陪祭官就位

文東  
武西

瘞毛血

司毛血生捧毛血從  
中門出埋西北隅坎

內 啟牲饌蓋迎神樂奏昭平之章司香奉香盤引贊

引承祭官升東階由殿左門入詣先師香案前立司  
香跪進香引贊贊跪承祭官跪一叩贊上香承祭官  
上柱香次三上瓣香一叩興贊復位分祭官各詣四  
配十二哲兩廡先賢先儒位上香如儀皆復位通贊

贊跪叩興承祭官行三跪九叩禮各官隨行禮奠帛  
行初獻禮樂奏宣平之章舞羽籥之舞引贊引承祭  
官詣盥洗所浴水進巾司帛奉帛司爵奉爵進承祭  
官入殿左門詣先師位前跪一叩司帛跪奉篚承祭  
官受篚拱舉奠於案司爵跪奉爵承祭官受爵拱舉  
奠於正中亞獻奠左  
三獻奠右一叩興復位分獻官各詣四配  
十二哲兩廡奠獻如儀各復位司祝至祝案前跪三  
叩奉祝版跪案左樂暫止承祭官詣讀祝位跪司祝  
讀祝畢詣正中神座前跪安於案三叩退承祭官三

叩興各官同叩興復位行亞獻禮樂奏秩平之章行

終獻禮樂奏敘平之章

舞並同  
初獻

承祭官分獻並如初

獻儀乃飲福受胙承祭官詣飲受位前跪飲福酒受

福胙

執事生奉正案中爵羊左膊  
跪奉承祭官拱舉畢歸之署

三叩興復位衆官

同跪叩興舞文德之舞乃徹饌樂奏懿平之章徹饌

畢送神樂奏德平之章承祭官及衆官行三跪九叩

禮執事者奉祝次帛次饌次香恭送燎所各官避立

西旁東面俟祝帛過復位引詣望位望燎畢贊禮畢

各退

樂章

昭平之章 迎神

大哉孔子 先覺先知 與天地參 萬世之師

祥徵麟紘 韻答金絲 日月既揭 乾坤清夷

宣平之章 初獻

予懷民德 玉振金聲 生民未有 展也大成

俎豆千古 春秋上丁 清酒既載 其香始升

秩平之章 亞獻

式禮莫愆 升堂再獻 響協鼗鏞 誠孚壘獻

補修徐溝縣志

卷一 典禮

五十三

肅肅雍雍 譽毛斯彥 禮陶樂淑 相觀而善

敘平之章 終獻

自古在昔 先民有作 皮弁祭菜 於論斯樂

惟天牖民 惟聖時若 彛倫攸敘 至今木鐸

懿平之章 徹饌

先師有言 祭則受福 四海鬯宮 疇敢不肅

禮成告徹 毋疏毋瀆 樂所自生 中原有菽

德平之章 送神

鳧繹峩峩 洙泗洋洋 景行行止 流澤無疆

聿修祀事 祀事孔明 化我蒸民 育我膠庠

祝文 乾隆九年頒

維某年某月某日某官致祭於

至聖先師孔子位前祝曰維先師德隆千古道冠百

王揭日月以常行自生民所未有屬文教昌明之會

正禮樂和節之時辟雍鐘鼓咸薦恪以馨香泮水膠

庠益致嚴於籩豆茲當仲春秋祇率彛章肅展微忱聿

將祀典以復聖顏子宗聖曾子述聖子思子亞聖孟

子配尚饗

補修徐溝縣志

卷一 典禮

五十四

戒誓儀注

祭前三日繕祝版分職事乃戒誓設戒誓牌於明倫  
堂南向祭官率各官公服詣堂前鳴贊唱跪叩興各  
官行一跪三叩禮唱讀戒詞鳴鐘鼓戒誓生恭捧戒  
牌西向讀曰欽遵令典於某月某日丁某祇行釋奠  
禮於

至聖先師孔子官員職事人等自今日爲始沐浴更  
衣散齋一日各宿別室不飲酒不茹葷不弔喪不問  
疾不聽音樂不理刑名致齋一日同宿齋所思神飲

食思神居處思神笑語思神志意思神所樂思神所嗜各宜精白乃心益加敬謹戒之哉讀畢安原處唱讀誓詞戒誓生恭捧誓牌西向讀曰

國有常憲明神鑒焉讀畢捧牌安原處唱懸戒牌戒誓生捧牌恭懸鬯門外唱給齋牌凡與祭官生領齋牌訖唱設誓牌戒誓生捧牌置案舁起引導樂鳴鐘鼓設誓牌於戟門外禮畢

崇聖祠祭禮

崇聖祠春秋上丁同日致祭正位前各帛一羊一豕

補修徐溝縣志

卷一

典禮

五十五

一 鉶二簠簋各二籩豆各八爵三樽一鑪一鐙二四配位各帛一簠簋各一籩豆各四爵三東西各羊一豕一樽一鑪一鐙二兩廡從位東西二案均簠簋各一籩豆各四每位爵一東西各帛一羊一豕一樽一鑪一鐙二俎篚翬勺具引贊引承祭官入祠左門分獻官隨入承祭官盥洗畢引詣殿階下正中分獻官以次序列於後均北面典儀贊執事官各供廼職以下自迎神至送神皆典儀唱贊贊引官贊就位引承祭官就拜位立迺迎神司香奉香盤進贊引官贊就上香位引承祭



官升東階由殿左門入詣啟聖王香案前立司香跪  
奉香贊引官贊跪承祭官跪一叩贊上香承祭官上  
柱香次三上瓣香一叩興以次詣裕聖王貽聖王昌  
聖王啟聖王位前上香儀同贊復位引承祭官退復  
位分獻官各詣四配位兩廡從祀位前上香如儀皆  
復位贊引官贊跪叩興以下行禮  
皆有贊承祭官行三跪九  
叩禮分獻官均隨行禮奠帛行初獻禮執事生各奉  
筐執爵進承祭官入殿左門詣神位前跪一叩司帛  
跪奉筐承祭官受筐拱舉奠於案司爵跪奉爵承祭

官受爵拱舉奠於正中一叩興以次奠獻畢司祝至  
祝案前三叩奉祝版跪案左承祭官詣讀祝位跪司  
祝讀祝畢詣正中神座前跪安於案三叩退承祭官  
行三叩禮畢仍由殿左門出復位分獻官奠帛獻爵  
各如儀皆復位次亞獻奠爵於左次終獻奠爵於右  
四配兩廡畢獻儀均與初獻同徹饌送神承祭官及  
分獻官均行三跪九叩禮執事生奉祝次帛次饌次  
香恭隨燎所承祭官避立西旁東面俟祝帛過復位  
引詣望燎位望燎贊禮畢各退

祝文

維某年某月某日某官致祭於肇聖王裕聖王貽聖  
王昌聖王啟聖王曰惟王累葉鍾祥光開聖緒盛德  
之後積久彌昌凡聲教所覃敷率循源而溯本宜肅  
明禋之典用申守土之忱茲當仲春秋聿修祀事配以  
先賢顏氏先賢曾氏先賢孔氏先賢孟孫氏尚饗

文廟祀位

大成殿正位

至聖先師孔子

補修徐溝縣志

卷一 典禮

五十七

東配

復聖顏子

名同字子淵魯人邾國後漢永平十五年  
從祀七十二弟子顏子位第一魏晉祀孔  
子均以顏子配唐貞觀二年  
以孔子為先聖顏子配饗

述聖子思子

名伋字子思宋大觀二年從祀端平  
三年升列哲位咸淳三年配饗

西配

宗聖曾子

名參字子輿魯南武城人鄭國後唐  
開元八年從祀宋咸淳三年配饗

亞聖孟子

名軻字子輿一字子車鄒人  
魯孟孫後宋元豐七年配饗

以上配位宋以前皆稱封爵元至順元年贈顏子

兗國復聖公曾子邾國宗聖公子思子沂國述聖

公孟子鄒國亞聖公明嘉靖九年改稱復聖顏子

宗聖曾子述聖子思子亞聖孟子

國朝因之

東哲

先賢閔子

名損字子騫魯人唐開元八年從祀

先賢冉子

名雍字仲弓魯人唐開元八年從祀

先賢端木子

名賜字子貢衛人唐開元八年從祀

先賢仲子

名由字子路一作季路魯卞人唐開元八年從祀

先賢卜子

名商字子夏衛人鄭元曰溫國人唐貞觀二十一年以經師從祀開元八年以十哲

補修徐溝縣志

卷一 典禮

五十八

從祀

先賢有子

名若字子有或作子若魯人唐開元八年從祀

西哲

先賢冉子

名耕字伯牛魯人唐開元八年從祀

先賢宰子

名予字子我魯人唐開元八年從祀

先賢冉子

名求字子有魯人唐開元八年從祀

先賢言子

名偃字子游吳人唐開元八年從祀

先賢顓孫子

名師字子張陳人唐開元八年從祀

先賢朱子

名熹字元晦宋徽州婺源人建炎四年生慶元六年卒年七十一

國朝康熙五十年  
升列哲位

以上哲位宋以前皆稱封爵明嘉靖九年改稱先賢某子

國朝因之有子朱子升列哲位從一例

東廡先賢

先賢公孫僑

字子產鄭人左傳魯襄公八年始見昭公八年卒國朝咸豐七年從祀原西廡現移東廡

先賢林放

魯人惟文公圖有之唐開元二十七年從祀明嘉靖九年改祀於鄉國朝雍正二年復祀原西廡現移東廡

補修徐溝縣志

卷一 典禮

五十九

先賢原憲

字子思檀弓稱仲憲宋人鄭元曰魯人唐開元二十七年從祀

先賢南宮适

字子容魯人史記名适家語禮記名縉唐開元二十七年從祀

先賢商瞿

字子木魯人文翁圖作商瞿上唐開元二十七年從祀

先賢漆雕開

家語字子若史記字子開蔡人鄭元曰魯人唐開元二十七年從祀

先賢司馬耕

字子牛宋人家語作司馬黎耕唐開元二十七年從祀

先賢梁鱣

或作鯉字叔魚齊人唐開元二十七年從祀

先賢冉孺

字子魯或作曾魯人唐開元二十七年從祀

先賢伯虔

字子析家語名處字子皙魯人唐開元二十七年從祀

先賢冉季

字子產魯人唐開元二十七年從祀

先賢漆雕徒父

家語名從字子文或云字子友文翁圖父作夫唐開元二十七年從祀

先賢漆雕哆

字子斂家語哆作侈魯人唐開元二十七年從祀

先賢公西赤

字子華魯人唐開元二十七年從祀

先賢任不齊

字子選楚人唐開元二十七年從祀

先賢公良孺

字子正陳人唐開元二十七年從祀

先賢公肩定

字子中鄭元二日魯人或曰晉人唐開元二十七年從祀

先賢鄒單

史記字子家無縣亶家語有縣亶字子象無鄒單疑作一人唐開元二十七年從祀

先賢罕父黑

史記字子素家語作宰父黑字索唐開元二十七年從祀

先賢榮旂

字子祺家語作祈字子顏魯人唐開元二十七年從祀

補修徐溝縣志

卷一 典禮

六十

先賢左人郢

家語作左郢字子行魯人唐開元二十七年從祀

先賢鄭國

字子徒唐開元二十七年從祀

先賢原元

字子籍家語作元文翁及史記作原籍唐開元二十七年從祀

先賢廉潔

字子庸一作子曹衛人古史作齊人唐開元二十七年從祀

先賢叔仲會

字子期文翁圖作噲家語魯人鄭元日晉人唐開元二十七年從祀

先賢公西輿如

字子上齊人唐開元二十七年從祀

先賢邾巽

字子斂文翁圖作國選魯人唐開元二十七年從祀

先賢陳亢

說文作伉字子禽家語作子亢陳人唐開元二十七年從祀

先賢琴張

字子開衛人唐開元二十七年從祀

先賢步叔乘

字子車齊人唐開元二十七年從祀

先賢秦非

字子之魯人唐開元二十七年從祀

先賢顏噲

字子聲魯人唐開元二十七年從祀

先賢顏何

字子冉魯人唐開元二十七年從祀明嘉靖九年罷國朝雍正二年復祀

先賢縣亶

亶正史記索隱作豐字子象魯人國朝雍正二年復祀

先賢牧皮

名見孟子家語史記俱無國朝雍正二年從祀

先賢樂正克

孟子弟子國朝雍正二年從祀

先賢萬章

齊人孟子弟子國朝雍正二年從祀

先賢周敦頤

字茂叔宋道州人天禧元年生熙甯六年卒年五十七宋淳祐元年從祀國

補修徐溝縣志

卷一 典禮

六十一

先賢程顥 字伯淳宋河南洛陽人明道元年生元豐八年卒年五十四元祐元年從祀

先賢邵雍

字堯夫宋河南人中祥符四年生熙甯十年卒咸淳三年從祀

西廡先賢

先賢蘧瑗

字伯玉衛人左傳魯襄公十四年始見卒年無考史記定公十四年孔子猶主籛伯

玉家其卒後於公孫僑蓋三十餘年唐開元二十七年從祀明嘉靖九年改祀於鄉

國朝雍正二年復祀 原東廡現移西廡

先賢澹臺滅明

字子羽魯武城人唐開元二十七年從祀原東廡現移西廡

先賢宓不齊

字子賤魯人為單父宰唐開元二十七年從祀

先賢公冶長

家語作萇范甯曰名芝字子長魯人

先賢公皙哀

史記字季次集解引家語云齊人唐開元二十七年從祀

先賢高柴

字羔左傳作季羔檀弓作季子羔家語齊人鄭元曰衛人唐開元二十七年從祀

先賢樊須

字遲家語魯人鄭元曰齊人唐開元二十七年從祀

先賢商澤

家語字子秀一作子季魯人唐開元二十七年從祀

先賢巫馬施

字期為單父宰唐開元二十七年從祀名期為單父宰唐開元二十七年從祀

先賢顏辛

字柳魯人翁圖及史記作顏辛通名柳唐開元二十七年從祀

先賢曹卹

字子循蔡人唐開元二十七年從祀

先賢公孫龍

字子石家語衛人鄭元曰楚人唐開元二十七年從祀

補修徐溝縣志

卷一 典禮

先賢秦商

字丕茲家語作不慈史記作丕魯人鄭元曰楚人唐開元二十七年從祀

先賢顏高

魯一云名刻一云名產字子驕人唐開元二十七年從祀

先賢壤駟赤

字子徒家語壤作穰字子從文翁圖作壤西赤秦人唐開元二十七年從祀

先賢石作蜀

字子明秦人唐開元二十七年從祀

先賢公夏首

字子乘家語首作守魯人唐開元二十七年從祀

先賢后處

史記字子里齊人唐開元二十七年從祀

先賢奚容蒧

史記字子皙一云字子楷衛人文翁圖魯人唐開元二十七年從祀

先賢顏祖

字子襄唐開元二十七年從祀

先賢句井疆

字子疆衛人唐開元二十七年從祀

先賢秦祖

字子南鄭元曰秦人唐開元二十七年從祀

先賢縣成

字子期魯人唐開元二十七年從祀

先賢公祖句茲

字子之家語作公祖茲文翁圖作公祖句茲魯人唐開元二十七年從祀

先賢燕伋

字子思家語作級秦人唐開元二十七年從祀

先賢樂欬

字子聲欬或作欣魯人唐開元二十七年從祀

先賢狄黑

字子哲家語作字哲之衛人唐開元二十七年從祀

先賢孔忠

或作弗字子蔑孔子兄孟皮子唐開元二十七年從祀

先賢公西蒧

史記字子上家語字子尚魯人唐開元二十七年從祀

先賢顏之僕

字子叔魯人唐開元二十七年從祀

補修徐溝縣志

卷一 典禮

先賢施之常

字子恒魯人唐開元二十七年從祀

先賢申振

陸德明曰申振鄭康成曰蓋孔子弟子申續史記曰申棠字周家語曰申續字周司

馬貞曰文翁圖所記有申振申棠王應麟曰史記申棠字周家語申續字周今史記

以棠為黨家語以續為續傳寫之誤唐開元二十七年從祀

先賢左邱明

授經圖曰魯人唐貞觀二十一年以經師從祀

先賢秦冉

字子開唐開元二十七年從祀明嘉靖九年罷國朝雍正二年復祀

先賢公明儀

魯人國朝咸豐三年從祀原東廡現移西廡

先賢公都子

齊人孟子弟子國朝雍正二年從祀

先賢公孫丑

齊人孟子弟子國朝雍正二年從祀



先賢張載

字子厚宋郾縣人天禧四年生熙甯十年卒年五十八宋濬祐元年從祀

先賢程頤

字正叔宋河南洛陽人顥之弟明道二年生大觀元年卒年七十五宋濬祐元年從祀

以上先賢位宋以前從祀者皆稱封爵明嘉靖九年改稱先賢某子周張程邵五子嘉靖時稱先儒

崇禎十五年改稱先賢位在七十子之下漢唐諸儒

之上

國朝稱先賢不稱子

東廡先儒

先儒公羊高

齊人子夏弟子唐貞觀二十一年從祀明嘉靖九年改稱先儒

補修徐溝縣志

卷一 典禮

六十四

先儒伏勝

字子賤濟南人唐貞觀二十一年從祀

先儒毛亨

無考漢趙人世謂亨為大毛公為小毛公國朝同治二年從祀

先儒孔安國

字子國孔子十一世孫漢武帝時為博士侍中唐貞觀二十一年從祀

先儒后蒼

字近君漢東海郟人宣帝時為博士明嘉靖九年從祀

先儒許慎

字叔重漢汝南召陵人國朝光緒二年從祀

先儒鄭康成

字北海高密人永建二年生建安五年卒年七十四唐貞觀二十一年從祀

先儒范甯

字武子晉鄆陵人咸康五年生隆安五年卒年六十三唐貞觀二十一年從祀

先儒范甯

字武子晉鄆陵人咸康五年生隆安五年卒年六十三唐貞觀二十一年從祀

靖九年改祀於鄉國朝雍正二年復祀原西廡現移東廡

先儒陸贄

貞字敬興唐蘇州嘉興人天寶十三年生永  
祀元年卒年五十二國朝道光六年從

先儒范仲淹

字希文宋吳縣人諡文正端拱二年生  
皇祐四年卒年六十四國朝康熙五  
祀從祀十四年

先儒歐陽修

字永叔宋廬陵人諡文忠景德四年生  
熙甯五年卒年六十六明嘉靖九年從  
祀

先儒司馬光

字君實宋夏縣涑水鄉人諡文正天禧  
三年生元祐元年卒年六十八咸淳三  
祀年從祀原西  
無現移東廡

先儒謝良佐

字顯道宋壽春上蔡人生卒年無  
考國朝道光二十九年從祀

補修徐溝縣志

卷一 典禮

六十五

先儒羅從彥

字仲素宋南劍州人諡文質熙甯五年  
生紹興五年卒年六十四明萬曆四十  
祀從祀二年

先儒李綱

字伯紀宋邵武人元豐六年生紹興十年  
卒年五十八國朝咸豐元年從祀原西  
廡現移

先儒張栻

字敬夫宋綿竹人諡宣紹興三年生淳熙  
七年卒年四十八景定二年從祀原西廡  
東廡現移

先儒陸九淵

字子靜宋金谿人諡文安紹興九年生  
紹熙三年卒年五十四明嘉靖九年從  
祀原西廡  
現移東廡

先儒陳淳

字安卿宋漳州龍溪人紹興二十三年生  
嘉定十年卒年六十五國朝雍正二年

祀從

先儒真德秀

字景元宋浦城人諡文忠  
淳熙五年生  
端平二年卒年五十八  
明正統二年從祀  
原西廡  
現移東廡

先儒何基

字子恭宋金華人諡文定  
淳熙十五年生  
咸淳四年卒年八十一  
國朝雍正二年從祀  
原西廡  
現移東廡

先儒文天祥

字宋端宋吉州吉水人  
端平三年生  
元至十九年卒年四十七  
國朝道光二十三年從祀  
原西廡  
現移東廡

先儒趙復

字仁甫宋德安人  
生卒年無考  
國朝雍正二年從祀

先儒金履祥

字仁山宋蘭谿人  
諡文安紹定五年生  
元大德七年卒年七十二  
國朝雍正補修徐清縣志

補修徐清縣志

卷一 典禮

六十六

二年從祀原西廡  
現移東廡

先儒陳澹

字可大南康人  
景定二年生元至正元年卒  
年八十一  
國朝雍正二年從祀  
原西廡  
現移東廡

先儒方孝孺

字希直元甯海人  
諡文正至正十七年生  
明建文四年卒年四十六  
國朝同治二年從祀

先儒薛瑄

字德温明河津人  
諡文清洪武二十二年生  
天順八年卒年七十六  
隆慶五年從祀  
原西廡  
現移東廡

先儒胡居仁

字叔心餘干人  
宣德九年生成化二年卒  
年五十一  
萬曆十二年從祀

先儒羅欽順

字允升明泰和人  
諡文莊成化元年生  
嘉靖二十六年卒年八十三  
國朝雍正

正二年  
從祀

先儒呂枏

字仲木，明高陵人。成化十五年生，嘉靖二十一年卒。年六十四。國朝同治二年從祀。

先儒劉宗周

字念臺，明山陰人。萬曆六年生，國朝順治二年卒。年六十八。道光二年從祀。

先儒孫奇逢

字鍾元，明容城人。萬曆十二年生，國朝康熙四十四年卒。年九十二。道光八年從祀。

先儒張履祥

字考夫，一字念芝，明桐鄉人。生卒年無考。一國朝同治十一年從祀。

先儒陸隴其

字稼書，平湖人。明崇禎三年生，國朝康熙三十一年卒。年六十三。雍正二年補修徐溝縣志。

補修徐溝縣志

卷一 典禮

六十七

從祀原西廡  
現移東廡

西廡先儒

先儒穀梁赤

楊士勳曰：穀梁子夏，顏師古曰：名喜。唐貞觀二十一年從祀。

先儒高堂生

史記索隱：字伯漢，魯人。唐貞觀二十一年從祀。

先儒董仲舒

漢廣川人。武帝初年對策，為江都相。元順元年從祀。

先儒劉德

漢景帝子，封河間王。諡獻國朝光緒三年從祀。

先儒毛萇

漢趙人。河間獻王博士。唐貞觀二十一年從祀。

先儒杜子春

漢河南緱氏人。永平初年，九十唐貞觀二十一年從祀。

先儒諸葛亮

字孔明漢瑯琊陽都人諡忠武

先儒王通

字仲淹陳龍門人陳至德二年生隋義甯二年卒年三十五一作開皇二年生年三十七明嘉靖九年從祀原東廡現移西廡

先儒韓愈

字退之唐南陽人諡文大歷三年生長慶三年卒年五十七宋元豐七年從祀

先儒胡瑗

字翼之宋海陵人諡文昭淳化四年生嘉祐四年卒年六十七明嘉靖九年從祀

先儒韓琦

字稚圭宋相州安陽人大中祥符元年生熙甯八年卒年六十八國朝咸豐二年從祀原東廡

先儒楊時

字中立宋將樂人皇祐五年生紹興五年卒年八十三明宏治八年從祀原東廡現移西廡

補修徐溝縣志

卷一 典禮

六十八

先儒尹焞

字彥明一字德充宋洛人熙甯四年生紹興十二年卒年七十二國朝雍正二年從祀

先儒胡安國

字康侯宋崇安人諡文定熙甯八年生紹興八年卒年六十五明正統二年從祀

先儒李侗

字愿中宋延平人諡文靖元祐八年生隆興元年卒年七十一明萬曆四十二年從祀原東廡現移西廡

先儒呂祖謙

字伯恭其先萊人遷婺州諡成後改諡忠宋紹興七年生淳熙八年卒年四十五景定二年從祀原東廡現移西廡

先儒袁燮

字和叔宋鄞人諡正獻生卒年無考國朝同治七年從祀

先儒黃榦

字直卿，宋閩人。諡文肅。紹興二十二年生。嘉定十四年卒。國朝雍正二年從祀。

先儒輔廣

字漢卿，其父本河朔人。宋南渡居秀州。之崇德。國朝光緒六年從祀。

先儒蔡沈

字仲默，建陽人。諡文正。乾道三年生。紹定三年卒。國朝雍正二年從祀。

東廡現  
移西廡

先儒魏了翁

字華甫，宋邛州蒲江人。諡文靖。淳熙五年生。嘉熙元年卒。國朝雍正二年從祀。

東廡現  
移西廡

先儒王柏

字會之，宋金華人。諡文憲。慶元三年生。咸淳十年卒。年七十八。國朝雍正二年從祀。

東廡現  
移西廡

先儒陸秀夫

字君實，宋楚州鹽城人。端平三年生。祥興二年卒。年四十四。即元至元十六年。

補修徐溝縣志

卷一 典禮

六十九

國朝咸豐九年從祀

先儒許衡

字平仲，宋河內人。諡文正。嘉定二年生。元至元十八年卒。年七十三。皇慶二年從祀。

先儒吳澄

字幼清，宋崇仁人。淳祐九年生。元統元年卒。年八十五。明正統八年從祀。嘉靖九年。

罷國朝乾隆二年復  
祀原東廡現移西廡

先儒許謙

字益之，元金華人。至元七年生。後元至七年卒。年六十八。國朝雍正二年從祀。原。

東廡現  
移西廡

先儒曹端

字正夫，明河南澠池人。諡靖修。洪武九年生。宣德九年卒。年五十九。國朝咸豐十年。

年從祀

先儒陳獻章

字公甫，明新會人。宣德三年生。宏治十年卒。年七十三。萬曆十二年從祀。

先儒蔡清

字介夫明晉江人諡文莊景泰四年生正德三年卒年五十六國朝雍正二年從祀

先儒王守仁

字伯安明餘姚人諡文成成化八年生嘉靖七年卒年五十七萬曆十三年從祀原東廡現移西廡

先儒呂坤

字叔簡明甯陵人嘉靖十五年生萬曆四十六年卒年八十三國朝道光六年從祀

先儒黃道周

字石齋明漳州人萬曆十三年生朝順治三年卒道光五年從祀

先儒陸世儀

字道威太倉人國朝光緒二年從祀

先儒湯斌

字潛菴河南睢州人明天啟七年生國朝康熙二十六年卒年六十一道光三年

補修徐溝縣志

卷一

典禮

七十

從祀

先儒張伯行

字孝先河南儀封人國朝光緒五年從祀

以上先儒位明嘉靖以前從祀者皆稱封爵嘉靖

九年改稱先儒某子

國朝稱先儒不稱子

崇聖祠正位

肇聖王木金父公

裕聖乏祈父公

貽聖王防叔公

昌聖王伯夏公

啟聖王叔梁公

以上正位明嘉靖九年於

大成殿後立啟聖祠祀叔梁公

國朝雍正元年

詔封孔子先世王爵合祀五代更名啟聖祠為

崇聖祠

東配

先賢孔氏孟皮

聖兄 國朝咸豐七年配饗

補修徐溝縣志

卷一 典禮

七十一

先賢顏氏

名無繇家語繇作由字季路顏子之父唐開元二十七年從祀明嘉靖九年配饗

先賢孔氏

名鯉字伯魚聖子宋咸淳三年從祀明嘉靖九年配饗

西配

先賢曾氏

名點字皙史記作曾蒧曾子之父唐開元二十七年從祀明嘉靖九年配饗

先賢孟孫氏

名激字公宜魯公族孟孫之後孟子之父明嘉靖九年配饗

東廡先儒

先儒周氏

名輔成敦頤之父生卒年無考明萬曆二十三年從祀

先儒程氏

名珦字伯溫與頤之父宋景德二年生元祐五年卒年八十五明嘉靖九年從祀

先儒蔡氏

名元祐字季通諡文節沈之父宋紹興五年生元定字季通諡文節沈之父宋紹興五年



從祀

西廡先儒

先儒張氏

名迪載之父生卒年無考 國朝雍正二年從祀

先儒朱氏

名松字喬年熹之父宋紹聖四年生紹興十三年卒年四十七明嘉靖九年從祀

以上先賢先儒位明嘉靖時稱先賢某氏先儒

某氏

國朝因之

欽定祭品勛兩

黍米三斗九升 稷米一斗五升 稻米三斗九升

補修徐溝縣志

卷一 典禮

七十二

梁米一斗 麥麩二勛 蕎麥麩一勛 菁一百四

十三勛 芹八十七勛 韭十勛 葱五勛 酒一

百二十瓶 滌魚酒二瓶 鹽磚二十勛 白鹽四

勛 紅棗一百四十三勛 栗一百八十四勛 榛

仁十七勛八兩 菱米三十勛 芡實三十五勛

白糖一勛 花椒八兩 茴香八兩 蒔蘿八兩

大薨魚十尾 小薨魚十尾 醢魚二十勛 大筍

十塊

謹按直省祭品均照

國學近來簡略成風所備或十無一二錄之以昭

定制

製造品饌

太羹用淡牛肉汁 和羹一用羊肉釘一用豕肉釘  
滾湯漉起鹽醬醋拌臨時淡汁澆 黍稷稻粱各揀  
淨滾湯滂起如常飯一般製造 芡揀淨無則蓮子  
代 菱用菱米或鮮菱肉 棗揀淨紅棗膠棗鮮棗  
俱可 栗去皮無則核桃龍眼等代 榛帶殼無則  
松榧子代 白餅白麪小圓餅粘白芝蔴 黑餅黑

補修徐溝縣志

卷一 典禮

七十三

麪小圓餅粘黑芝蔴 形鹽用白鹽篩淨築成虎形  
菁菹諸葛菜根略經沸湯切作長段淡用 芹菹淨  
芹梗切長段白上青下 韭菹揀淨去本末取中三  
寸淡用 筍菹乾筍煮過切作長段 鮓魚白鯨段  
魚醢魚肉細切小方塊油鹽蔥花椒蒔蘿拌作醢  
兔醢兔肉去皮細切前法製造無則醬豬代 鹿醢  
前法製造無則羊代 醢醢醢乃醢之多汁者用豬  
脊脰肉前法製造 鹿脯切塊酒淹麋鹿亦可無則  
羊代 豚拍 拍同搏 豚肩或脅切作長塊加香料熟用

脾析

析音斯

牛百葉切長條白湯煮熟

各學祭品不遵定例緣不諳造法謹依嘉慶八年兩江總督所定不能尋覓酌代章程參以素王紀事等書所載擇其簡易者用之

#### 四祔祠禮

直省府州縣附廟左右各建名宦鄉賢節孝忠孝四祠歲春秋釋奠禮畢教諭一人公服詣祠致祭各帛一羊一豕一籩四豆四樽一爵三讀祝望燎承祭官行三叩禮如儀

補修徐溝縣志

卷一

典禮

七十四

#### 名宦祠祝文

卓哉諸公懋修厥職澤被生靈功垂社稷茲值仲秋春謹以牲帛粢盛用伸常祀尚饗

#### 鄉賢祠祝文

於惟羣公孕秀茲邦懿德卓行累世流芳茲值仲秋春謹以牲帛粢盛用伸常祀尚饗

#### 忠義孝弟祠祝文

惟靈稟賦貞純躬行篤實忠誠奮發貫金石而不渝義問宣昭表鄉閭而共式祇事懋彞倫之大性摯莪

蒿克恭念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳樽簋來格几  
筵尚饗

節孝祠祝文

惟靈純心皎潔令德柔嘉矢志完貞全閨中之亮節  
竭誠致敬彰闈內之芳型茹冰蘖而彌堅清操自勵  
奉盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦樽醪  
尚饗

補修徐溝縣志

卷一

典禮

七十五

社稷壇祭禮

雍正十年頒行社稷壇祀典築壇城之南郊座北方  
地廣袤二畝有奇壇方二丈五尺高二尺四寸出陛  
各三級壇前九尺五寸東西各五尺周繞以牆石柱  
長二尺五寸方一尺埋於壇上正中近南二尺五寸  
露圓尖於外神牌以木爲之高二尺二寸濶四寸五  
分座高四寸五分濶八寸五分朱漆青字祭畢藏之  
牌一書縣社之神居東一書縣稷之神居西每歲仲

秋 春  
上戊日致祭以欽天監選定吉日爲祭期陳設爵

一筐二帛黃色各長一丈八尺俎二羊豕簋二黍稷  
簋二稻梁鉶二和羹籩四形鹽薨魚棗栗豆四韭菹  
醢醢菁苴鹿醢香燭儀注皆與文廟同無啟戶闔戶  
升堂爲升壇

祝文

惟神奠安九土粒食萬邦分五色以表封圻育三農  
而蕃稼穡恭承守土肅展明禋時居仲春秋敬修祀典  
庶芘芘松柏鞏磐石於無疆翼翼黍苗佐倉箱於不  
匱尚饗

神祇壇祭禮

補修徐溝縣志

卷一 典禮

七十六

雍正十一年頒行神祇壇祀典築壇城之北郊座南  
方地壇制度與社稷同無石柱神牌一書風雲雷雨之

神居中一書縣境內山川之神居左一書縣城隍之  
神居右每歲仲春秋上戊日致祭以欽天監選定吉日

爲祭期陳設與社稷同筐七帛  
白色儀注與社稷同無瘞  
毛血

祝文

惟神贊襄天澤福佑羣黎佐靈化以流行生成永賴  
乘氣機而鼓盪溫肅攸宜磅礴高深永保安貞之吉  
憑依鞏固實資捍禦之功幸民俗之殷盈仰神明之

庇護恭修歲祀正值良辰敬潔豆籩祇陳牲幣尚饗  
先農壇祭禮

雍正四年頒行先農壇祀典壇高四尺一寸寬二丈  
五尺壇後建正房三間配房各一間正房中間供奉  
神牌東間存放祭器農具西間收藏藉田米穀配房  
東間置辦祭品西間令看守農民居住壇廟藉田之  
外周圍築土爲牆門南向神牌與社稷同紅牌金字  
填寫先農之神每年仲春之月候禮部頒吉期致祭  
陳設儀注與社稷同

補修徐溝縣志

卷一 典禮

七十七

祝文

惟神肇興稼穡粒我烝民頌思文之德克配彼天念  
率育之功陳常時夏茲當東作咸服先疇洪惟九五  
之尊歲舉三推之典恭膺守土敢忘勞民謹奉爨章  
聿修祀事惟願五風十雨嘉祥常沐於神庥庶幾九  
穗雙歧上瑞頻書乎大有尚饗

雩祭禮

乾隆七年頒行雩祭禮每歲孟夏行常雩禮不另立  
雩壇卽於先農壇行禮並合配社稷山川諸神牌位

祝文

恭膺

詔命撫育羣黎仰體

彤廷保赤之誠勤農勸稼俯惟蔀屋資生之本力穡  
服田令甲爰頒聿舉祈年之典惟寅將事用申守土  
之忱黍稷惟馨尚冀昭明之受賜來牟率育庶俾豐  
裕於蓋藏尚饗

禋祭禮

乾隆七年頒行禋祭禮歲旱祭雩雨潦則禋祭城門

補修徐溝縣志

卷一

典禮

七十八

祈晴

祝文

恭膺

詔命臨民職司守土惟兆人之攸賴並藉神功冀四序  
之常調羣蒙福蔭必使雨暘應候爰占物阜而民安  
庶其寒燠咸宜共慶時和而歲稔仰靈樞之默運聿  
集嘉祥襄元化以流行俾無災害尚饗

厲壇祭禮

乾隆初年頒行厲壇祀典每歲春清明日秋七月望

冬十月朔致祭先期三日承祭官齋戒補服備香燭  
酒果詣城隍廟就位一跪三叩詣神位獻爵讀告文  
復位設於壇上祭物用一羊一豕饌與社稷同無帛  
無祀鬼神牌位設於壇下左右相向祭物用一羊一  
豕解作殽置於磁盤酒三湯三飯五肉五儀注承祭  
官就位一跪三叩詣城隍牌位前跪獻三爵興復位  
一跪三叩禮畢

告城隍文

某縣遵承禮部劄付爲祭祀本境無祀鬼神該

補修徐溝縣志

卷一

典禮

七十九

欽奉

皇帝聖旨普天之下后土之上無不有人無不有鬼神  
人鬼之道幽明雖殊其理則一今

國家治民事神已有定制尚念冥冥之中無祀鬼神昔  
爲生民未知何故而歿其間有遭刀刃而死者有死  
於水火盜賊者有被人取財而逼死者有被人強奪  
妻妾而死者有遭刑禍而負屈死者有天災流行而  
瘟疫死者有爲猛獸毒蛇所害者有爲饑餓凍死者  
有因戰鬪而殞身死者有因危急而自縊者有因牆



屋傾墮而壓死者有死後無子孫者此等鬼神或終於前代或歿於近世或兵戈擾攘流移於他鄉或人煙斷絕久缺其祭祀姓氏泯沒於一時祀典亡闕而不載此等孤魂死無所依精魂未散結爲陰靈或依草附木或作爲妖怪悲號於星月之下呻吟於風雨之時凡遇人間節令心思陽世魂杳杳以無歸身墮沈淪意懸懸而望祭興言及此憐其慘悽故敕天下有司依時享祭命本處城隍以主此祭鎮控壇場鑒察諸神等類其中果有生爲善良誤遭刑禍死於無

辜者神當達於所司使之還生中國永享太平之福如有素爲凶頑身免刑憲雖獲善終亦出僥倖神當達於所司屏之四外善惡之報神必無私欽奉如此今某等不敢有違謹於某年某月某日於城北設壇置備牲酒湯飲享祭本縣無祀鬼神等衆然幽明異境人力難爲必須神力庶得感通今特移文於神先期分遣諸將召集本縣闔境鬼靈等衆至日悉赴壇所普享一祭神當欽承

命鎮控壇場鑒察善惡無私昭報爲此合行牒移請照

驗欽依施行

祝文

爲祭祀本縣闔境無祀鬼神等衆事欽奉

皇帝聖旨普天之下后土之上無不有人無不有鬼神人鬼之道幽明雖殊其理則一故天下之廣兆民之衆必立君以主之君總其大又設官分職於府州縣以各長之各府州縣又於每百戶內設一里長綱領之上下之職綱紀不紊此治人之法如此天子祭天地神祇及天下山川王國各府州縣祭境內山川及祀

補修徐溝縣志

卷一

典禮

八十一

典神祇庶民祭其祖先及里社土穀之神上下之禮各有等第此事神之道知此尚念冥冥之中無祀鬼神昔爲生民未知何故而歿其間有遭兵刃而橫傷者有死於水火盜賊者有被人取財而逼死者有被人搶奪妻女而死者有遭刑禍而負屈死者有天災流行而瘟疫死者有爲猛獸毒蛇所害者有饑餓凍死者有因戰鬪而殞身者有因危急而自縊者有因牆屋傾墮而壓死者有死後無子孫者此等孤魂或終於前代或歿於近世或兵戈擾攘流移於他鄉或

人煙斷絕久缺其祭祀姓名泯沒於一時祀典或闕而不載此等孤魂死無所依精魂未散結爲陰靈或依草附木或作爲妖怪悲號於星月之下呻吟於風雨之時凡遇人間節令心思陽世魂杳杳以無歸身墮沈淪意懸懸而望祭興言及此憐其慘悽故敕天下有司依時享祭在京師有泰厲之祭在王國有國厲之祭在各府各州有郡厲之祭在各縣有邑厲之祭在一里又有各鄉厲之祭期於神依人而血食人敬神而知禮仍命本處城隍以主此祭欽奉如此今

補修徐溝縣志

卷一

典禮

八十二

某等不敢有違謹設壇於城北以

三月清明  
七月初五

日置備牲

醴羹飯專祭闔境無祀鬼神等衆靈其不昧永享此祭凡我境內人民倘有忤逆不孝不敬六親有姦盜詐僞不公法者拘曲詐直欺壓善良者有躲避差徭靠損貧戶者似此頑惡奸雄不良之徒神必報於城隍發露其事使遭官府輕則笞重則杖斷不得號爲良民再重則流徒絞斬不得生還鄉里若事未發露必遭陰譴使舉家並染瘟疫六畜田蠶不利如有孝順父母和睦親族畏懼官府遵守禮法不作非爲良

善正直之人神必達於城隍陰加護佑使其家道安  
和農事順遂父母妻子保守鄉里我等闔邑官吏如  
有上欺

朝廷下罔良善貪財作弊蠹政害民者靈必無私一體  
照察如此則鬼神有鑒察之明官府非諛諂之祭尚  
饗

### 關帝廟祭禮

雍正五年頒行武廟祀典每歲仲春仲秋以欽天監  
選定吉日爲祭期仲夏中旬三日以聖誕爲祭期陳

設帛一爵三牛羊豕核桃荔枝龍眼棗栗祭之日贊  
引生引承祭官進左旁門至盥洗處贊引贊盥洗盥  
洗畢引至殿內行禮處站立典儀生唱執事者各司  
其事贊引生贊就位引承祭官就位站立典儀生唱  
迎神樂奏格平之章司香生捧香盒就香鑪右邊立  
贊引生引承祭官就香鑪前立贊引生贊上香司香  
生跪捧香承祭官立將柱香接舉插鑪內又將塊香  
上三次畢贊引生贊復位引承祭官復原位站立贊  
引生贊跪叩興承祭官行三跪九叩禮典儀生唱奠

帛獻爵行初獻禮樂奏翊平之章捧帛爵生將帛爵  
捧舉各就神位前贊引生贊奠帛捧帛生跪獻畢行  
三叩禮退獻爵執爵生立獻畢退讀祝生至祝文棹  
前行一跪三叩禮將祝文捧起立贊引生贊跪承祭  
官跪讀祝讀祝生跪讀祝畢捧至神位前跪安盛帛  
盒內畢行三叩禮退贊引生贊叩興承祭官行三叩  
禮立典儀生唱行亞獻禮樂奏恢平之章執爵生照  
初獻禮獻畢退典儀生唱行終獻禮樂奏靖平之章  
執爵生至案右邊照亞獻禮獻畢退典儀生唱徹饌

樂奏彛平之章送神樂奏康平之一章贊引生贊叩  
興承祭官行三跪九叩禮立典儀生唱捧祝帛各恭  
詣燎位捧祝帛生各至神位前行三叩禮將祝帛捧  
起依序捧送贊引生引承祭官退至西邊立俟捧祝  
帛各生過畢復位站立贊引生詣望燎位引承祭官  
至燎鑪前焚祝帛望燎樂奏康平之二章贊引生贊  
禮畢引承祭官退

樂章

格平之章 迎神

懿鑠兮焜煌神威兮薦八方偉烈昭兮異禩祀事明  
兮永光達精誠兮黍稷馨香儼如在今洋洋

翊平之章 初獻

英風颯兮神格思紛鳳蓋兮龍旗鬨桂醕兮盈卮香  
始升兮明粲惟降鑒兮在茲綿景祚兮翊昌時

恢平之章 亞獻

觴再酌兮告虔舞千戚兮合宮懸歆苾芬兮潔蠲扇  
巍顯翼兮神功宣

靖平之章 終獻

補修徐溝縣志

卷一

典禮

八十五

鬱鬯兮三申羅籩簋兮畢陳儀卒度兮肅明禋神降  
福兮宜民宜人

燹平之章 徹饌

物惟備兮咸有明德惟馨兮神其受告徹兮禮終罔  
咎佑我邦家兮孔厚

康平之一章 送神

幢葆葳蕤兮神聿歸馭鳳軫兮驂虬駢降網緼兮餘  
飴馐願回靈照兮德洽明威

康平之二章 望燎

焄蒿烈兮燎有輝神光遙燭兮祥雲霏祭受福兮茂  
典無違廣揚駿烈兮永奠疆畿

祝文

惟年月日具官某致祭於忠義神勇顯佑關聖大帝  
曰惟帝浩氣凌霄丹心貫日扶正統而彰信義威震  
九州完大節以篤忠貞名高三國神明如在徧祠宇  
於寰區靈應丕昭薦馨香於歷代屢徵異蹟顯佑羣  
生恭值嘉辰遵行祀典筵陳籩豆式奠牲醪尚饗

後殿祭禮

補修徐溝縣志

卷一

典禮

八十六

後殿同日致祭陳設與前殿 承祭官進中門復位  
送神二節行二跪六叩禮

祝文

惟公世澤詒庥靈源積慶德能昌後篤生神武之英  
善則歸親宜厚尊崇之報列上公之封爵

錫命攸隆合三世以肇禋典章明備恭逢諏吉祇事薦馨

尚饗

文昌宮祭禮

嘉慶七年頒行文昌宮祀典每歲仲春仲秋以欽天

監選定吉日爲祭期仲春上旬三日以聖誕爲祭期  
陳設儀注與武廟同惟樂章各異

樂章

丕平之章 迎神

秉氣兮靈躔翊文運兮赫中天蜺旌兮戾止雕俎兮  
告虔迓神庥兮於萬斯年

俶平之章 初獻

神之來兮籩簋式陳神之格兮几筵式親極昭彰兮  
靈貺致蠲兮明禋升香兮伊始居歆兮佑我人民

補修徐清縣志

卷一

典禮

八十七

煥平之章 亞獻

再酌兮瑤觴燦爛兮庭燎之光申虔禱兮神座儼陟  
降兮帝旁粢醴潔兮齋邀將綏景兮靈長

煜平之章 終獻

禮成三獻兮樂奏三終覃敷元化兮絜神功馨香達  
兮肸鬩通歆明德兮昭察寅衷

懿平之章 徹饌

備物兮惟時告徹兮終禮儀神悅懌兮鑒在茲垂鴻  
佑兮累洽重熙



蔚平之一章 送神

雲駢駕兮風旗招神之歸兮天路遙瞻翠葆兮企丹  
霄願回靈眷兮福我朝

蔚平之二章 望燎

網緼降兮元氣和神光燭兮梓潼之阿化成定兮囊  
弓戢戈文治光兮受福則那

祝文

惟神蹟著西垣樞環北極六匡麗曜協昌運之光華  
累代著靈爲人文之主宰扶正允彰夫感召薦馨宜

補修徐溝縣志

卷一

典禮

八十八

致其尊崇茲屆仲秋 春用昭時祀尚其歆享鑒此精虔

尚饗

後殿祭禮

後殿同日致祭陳設儀注與武廟後殿同

祝文

祭引先河之義禮崇反本之思矧夫世德彌光延賞  
斯及祥鍾累代炯列宿之精靈化被千秋緯人文之  
主宰是遵後殿用答前庥茲值仲秋 春肅將祀事用仲  
告潔神其格歆尚饗

昭忠祠祭禮

凡祭昭忠祠之禮直省府州各立昭忠祠以祀戰亡將弁兵丁各立牌位所在有司歲以春秋致祭用帛一羊一豕一爵三樽一承祭官行禮與省會賢良祠同

龍神祝文附

惟神德洋寰宇澤潤蒼生允襄水土之平經流順軌廣濟泉淵之用膏雨及時績奏安瀾占大川之利涉功資育物欣庶類之蕃昌仰藉神庥宜隆報享謹遵

補修徐溝縣志

卷一 典禮

八十九

祀典式協良辰敬布几筵肅陳牲醴尚饗

火神祝文

恭惟尊神正位離明體陰用陽配坎福民有功民社祀典崇新茲屆仲春敬薦豆馨惟望神靈默佑心曜含精上報懷柔之秋

聖世下錫康吉於蒼生刳牲酌酒神其鑒此一誠尚饗

祠祀通例

凡祀期春秋二仲祈報社稷以戊釋奠於先師以丁仲春饗先農以亥遇天寒祭日均質明行事用季春

頒詔禮

凡

頒詔之禮文武官均朝服具龍亭黃蓋龍旗御仗率紳耆

出郭恭候

詔至跪迎齋

詔官奉設龍亭內旗仗導行各官興皆乘馬從至公廡陳  
詔於堂上正中通贊贊排班禮生引各官就階下拜位文

東武西北面序立如朝賀儀贊跪衆咸跪宣

詔官恭奉西面宣讀訖贊叩興衆行三跪九叩禮畢凡

補修徐溝縣志

卷一 典禮

九十

詔書經過地方官員軍民人等跪道旁候

詔過方起五里內文武官俱出城迎送五里外者不許

慶賀禮

凡元旦冬至

萬壽節文武各官俱朝服望

闕行禮預設香案龍亭於公廳至日黎明各官率紳耆

齊集糾儀官一員先行禮立於檐下以糾儀贊禮生

贊排班各官以次就位文東武西立班齊贊跪叩興

各官行三跪九叩禮贊退各官退出凡慶賀穿朝服

七日前三日後四日

迎春禮

每歲立春有司官遵照會典迎春於東郊出土牛先期塑造春牛芒神前一日各官常服迎至門外土牛南向芒神在東西向立春日早陳設香燭酒果各官具朝服贊排班贊跪叩興各官行一跪三叩禮贊跪奠酒三爵贊叩興各官行一跪三叩禮舁土牛芒神行香亭鼓樂前導各官朝服後隨至東郊各官執綵杖環立土牛兩旁贊擊鼓樂工擗鼓贊鞭春各官環

補修徐溝縣志

卷一 典禮

九十一

擊土牛三禮畢各退 按今有司迎春前期一日朝服於東郊舁土牛芒神安設長官公署之儀門外次日照依立春時刻祀芒神卽於安設土牛處鞭春

土牛式

水土取歲德方位牛像頭至尾椿八尺按八卦尾一尺二寸按十二時高四尺按四時胎骨用桑柘木顏色視立春日干爲頭角耳支爲身納音爲蹄尾肚各取所屬五行分青赤白黑黃籠頭枸索視立春日支色四孟日麻仲日芒季日絲枸子用桑柘木

芒神式

身像高三尺六寸按一年三百六十日寅申己亥年  
像老子午卯酉年少辰戌丑未年孩童正旦前五日  
內立春爲芒神與牛並立前五日外立春爲早忙立  
牛前後五日立春爲閑立牛後六支陽年立右陰年  
立左服色視立春日支神受尅爲衣之腰頭髻前後  
視立春日納音位罨耳提戴視立春時氣鞋袴行纏  
有無繫懸左右視立春日納音之氣與位鞭結用柳  
長二尺四寸按二十四氣結子麻苙絲視日孟仲

補修徐溝縣志

卷一

典禮

九十二

季俱五采染色

耕藉禮

直省耕藉之禮於東郊先農壇側擇地爲藉田四畝  
九分歲季春吉亥既有事於先農乃行耕藉禮農具  
赤色牛黑色耕藉箱青色所用耕種悉照各處土宜  
正印官蟒袍去補服秉耒佐貳執青箱播種用耆老  
一人牽牛農夫二人扶犁九推九返農夫終畝耕畢  
各官耆老農夫望

闕行三跪九叩禮

救護禮

凡遇日月食文武各官遵照會典依部頒欽天監推算分秒時刻於本衙門救護凡日食結綵於本衙門儀門及正堂設香案於月臺下設金鼓於儀門內兩旁各官拜位於月臺上俱向日陰陽生報日初食贊禮生贊排班各官素服立贊跪叩各官行三跪九叩禮班首官上香贊禮生贊跪各官俱跪班首官擊鼓三聲衆鼓齊鳴各官更番祇跪陰陽生報復圓金鼓聲壯贊禮生贊跪叩各官行三跪九叩禮畢月食

補修徐溝縣志

卷一

典禮

九十三

儀同若遇月朔日食是日官員俱常服惟救護時素服

上任講書禮

先於明倫堂設公座及講案文武諸生拱候於儒學門新官至一揖導引詣明倫堂公座諸生行庭參禮新官拱答如儀儒學同坐敘說畢講書直講生向上三揖端立抗聲講說書義畢三揖而退又輪直講如前儀講畢新官申訓辭分給紙筆獎直講者新官起諸生仍趨儒學門拱候揖送

講約禮

每月朔望日於講約所宣講

聖諭十六條曉諭士民等恭設

聖諭牌設約正值月以司講約設木鐸老人以宣警於道路地方文武齊集贊禮生贊排班各官依次就拜位立贊跪叩興各官行三跪九叩禮畢分班坐地率軍民人等聽講畢各官散下

鄉飲酒禮

每歲於正月望十月朔日舉行擇鄉之年高德邵者

補修徐溝縣志

卷一 典禮

九十四

一人爲賓其次爲介又次爲衆賓知縣爲主人立一人爲司正主揚觶以罰失儀者以儒學充二人司爵二人贊禮二人引禮一人讀律並以生員充前一日執事者於縣學講堂陳設坐次監禮席於庭東北向賓席於堂西北南向主人於堂東南西向介席於堂西南東向衆賓之長三人席於賓西南向東上皆專席衆賓席於西序東向僚佐席於東序西向皆北上司正席於主人之東北向設律令案於主介間正中又設尊案一於東序端司正預率執事習禮設樂於

西階下至日黎明執事者宰牲具饌監禮主人及僚屬司正先詣學遣人速賓介以下比至主人率僚屬出迎於庠門外揖賓介衆賓皆答揖賓入介衆賓從入及階主東賓西贊禮者立階前贊揖主及賓三揖三讓而後升堂東西相向立贊兩拜交拜畢賓卽席乃延介一讓升介升拜如賓禮介卽席乃延衆賓以次皆升主人揖皆答揖卽席主人僚佐皆卽席咸坐贊司正揚觶執事者引司正由西階升詣堂中北向立贊起立賓介以下皆立贊揖司正賓介以下皆揖

執事者以觶酌酒授司正司正舉酒曰恭維

朝廷率由舊章敦崇禮教舉行鄉飲非爲飲食凡我老幼各相勸勉爲臣盡忠爲子盡孝長幼有序兄弟恭內睦宗族外和鄉黨無或廢墜以忝所生讀畢贊司正飲酒飯畢以觶授執事者贊揖司正揖賓介以下皆揖司正復位賓介以下皆坐贊讀律令執事者舉律令案於堂之下引禮引讀律令者詣案前北面立賓介以下皆立行揖禮如前讀曰大誥鄉飲酒禮序長幼論賢良別姦頑異罪人其坐席間高年有德



者居於上高年淳篤者並之以次序齒而列其曾違  
條犯法之人不許干與良善之席主者若不分別致  
有貴賤混淆察知或發覺罪以違制姦頑紊亂正席  
者全家移出化外讀畢復位贊供饌執事者舉饌案  
至賓前次介次主三賓以下各以次設贊獻賓主起  
北面立執事者酌酒以授主主受爵詣賓前置於席  
少退贊兩拜賓答拜訖主退復位贊賓酌酒賓起介  
從執事者酌酒授賓賓受爵詣主前置於席少退贊  
兩拜賓主交拜訖賓退復位主起獻介介酢主人

前儀乃各就位執事者詣三賓衆賓以下以次酌酒  
於席訖贊飲酒酒三行贊奏樂工升歌周詩鹿鳴之  
章笙奏

御製補南陔詩間歌周詩魚麗之章笙奏

御製補由庚詩乃合樂歌周詩關雎之章卒歌工告備出  
執事者行酒主賓以下飲無算爵贊徹饌徹訖賓介  
主以下皆興主僚屬居東賓介三賓衆賓居西贊兩  
拜賓主介拜訖贊送賓賓介衆賓主人以次下堂分  
東西行出庠門一揖退監禮者出主人送禮畢賓主

皆退

賓興禮

凡三年鄉試前期諏日延集錄科生員行賓興禮先期儒學官將奉準督學錄科生員起具紅批呈送縣官擇日具書柬延集科舉諸生至日結綵於大堂或明倫堂鼓樂設筵拜揖如儀縣官與諸生簪挂花紅就坐縣官儒學官皆坐諸生以次兩旁列坐酒五行或十行由中門送出

送學禮

補修徐溝縣志

卷一

典禮

九十七

凡督學歲科取進文武新生紅案發到縣官送學肄業行送學禮前期擇日傳集新生至日縣官於大堂公座簪挂花紅諸生行庭參禮本官拱立答禮稟拜免由中門鼓樂導出縣官率諸生謁文廟行三跪九叩禮畢詣明倫堂與儒學官交拜行兩禮畢新生見儒學官行四拜禮受兩拜陪受兩拜

祈禱禮

每歲孟夏諏日行常雩禮如常雩後不雨於城隍廟或龍神廟設壇祈禱傳集僧道熏壇官民致齋修省

禁止屠宰不理刑名夏季羽纓素服步行至壇每日  
三次既應而報陳設禮儀均與春秋雩祭同若久雨  
祈晴冬旱祈雪禮亦如之

坊表

書曰旌別淑慝表厥宅里坊之為制古矣通都大邑  
星輶絡繹憑軾仰瞻敬且羨焉宗族有光鄉閭生色  
士君子勉旃

坊表

一德配天地

在櫺星門東

一道冠古今

在櫺星門西

一大成坊

在文廟南

一乾坤正氣

在關帝廟前即今奏格樓之後

補修徐溝縣志

卷一 坊表

一協天大帝

在關帝廟北

一賜進士第

為杜馴立

一彩鳳凌雲

為少卿杜馴立

一青雲得路

為常泰立

一黃榜傳香

為常泰立

一敕褒忠諫

為給事常泰立

一天寵地封

為知州劉畿立

一世承天寵

為知州閻柳立

一畿輔循良

為通判郭光祐立

一貞節 爲張文風妻賈氏立

一貞節 爲郭琛妻董氏立

補修徐溝縣志

卷一 坊表

一一